

卷之四

龍眠風雅卷四十五目錄

木厓潘 江蜀藻輯

梁溪鮑鼎銓讓侯

叅

同里鄧 銓田公

方孔一 四十一首

江之漢 十一首

姚孫森 六十三首

方撫謙 八首

龍眠風雅卷四十五

水厓潘 江蜀藻輯

方孔一

字爾唯號凝齋司徒玉峽公之子也成童刻
費序束修砥行研精經術屢躋省試順治初
以歲貢謁選授廣東清遠令會嶺南用兵三禺阻
梗公單車之任不避盤錯芻糧供張應接不匱有
勦寇殪虎掩骼存廟木驅蠹厲諸善政尋以
衰疾乞休垂索歸田所著有擊斫抱撲諸集

鳥生八九子

城上鳥聲嗚嗚一年生九雛選樹結高巢風雨無憂虞
取食置喙間朝夕勤餵哺毳毛不自煖張翼勉相呼羽
成健翮尾畢逋羣飛啞啞各自東西南北趨老鳥喙禿
毛脫病且癯誰念疇昔恩艱劬身棲城上樓老鳥卧蓬
苴膏稔鮮粟爭飽舖老鳥咽塞喉乾死荒丘生兒如此

輩何異破鏡與鴛鴦

短歌行

置酒中庭臨觴涕零。人生幾何逝若流星。解一昔我與子

一瑟一琴。今子棄我為商為參。解二珠無重瑩蘭不再馨。

空閨聞寂顧影憐形。解三懼由會厚悲以別深。韶顏苦謝

癯顏苦侵。解四低回日暮為子沉吟。颯颯金風忽灑我襟。

解五案有錯珍甕有醪醕云何不樂保我餘齡。解六

步放鶴亭

塢勢湧錢塘瀨氣每磅礴霞渚共烟巒五色紛相錯我
從靈隱來兩日未息脚朝採張翰尊暮訪林逋鶴鶴太
幾百年空亭委林薄嘉遯邈邈難期亮節欣有托玉簪與

研瓦當日遺空槲苔青石半圯苜枯木未落老梅三兩
株猶發山中萼樹缺露虹橋巘迴藏層閣面對削芙蓉
如抱復如攫與空雖莫窮聊以詮崖畧把臂呼六賢孤
筇寧寂莫三復史氏碑斯遊差不惡

女貞子

山中有處子冬夏何青青結實燦綠珠鬱葱覆吾亭女
子貞不字載之爰象經水姿傲霜霰豈逐鉛華零移置
松栢間峻節有餘馨婆娑坐其下獨醉復獨醒我欲益
肺腑兼以通性靈葆真良有道焉用采參苓

皖江寓中晤外甥阮露臣悵然有感

記汝在襁褓為母持齋日祈佛叶熊羆辛劬百艱集輒

佐汝翁讀中外都寧謚焚膏手一編夙夜罔或逸爾祖
懋厥修予亦親爲灸吁嗟廿餘年城破家奚恤數椽灰
燼餘荒園鳴蟋蟀梁棟旣云摧蛇豕闌入室淚血灑江
天岵岵瞻何及我從嶺南歸投冠謝斧鑕瞥眼十三春
江鴻阻尺一昔別甫垂髫今逢懽促膝耿懷不能言苦
境莫可述追念舊時人十已去其七幸惟宅相賢藻掾
文通筆雙雛更聯翩瓊樹堦前茁夙業有青箱芳蕙吐
祇適不盡涓陽情欲往酌涓滴努力及韶華分陰不可
失

天津衛

衛河之南白河北天津雄鎮踞阨塞大小直沽控海門

三衛貔貅壯京國市廛賈客百貨屯漁人鼓艤趨湍津
落日千檣列芒稜輕風萬舶飛魚鱗漳衛合流潏入海
滄溟咫尺風濤改烟消霧散日矇矓蜃市蛟樓恍靈怪
迴搗轉柁休恂恂倉皇恐犯鼉鼉宮神山穹渺不可望
風塵苦海徒煩冲嗚呼風塵苦海徒煩冲冥飛羨爾天
邊鴻

過閔子祠

閔子祠前樹西風亂晚鴉只今惟宿草不見有蘆花寒
影親闈隔單衣客路賒倚廬何日慰雙淚落天涯

劉雁先久客廣濟對菊有懷

片片寒梅白劉郎別我時花飛看幾度秋色滿東籬不

醉杯中月。誰開病後眉。山陰如可權。歸日未嫌遲。

代悲白髮

種種髮如此。絲絲愁奈何。頂先禿似鶴。髻却小于螺。一任飛蓬亂。翻如落葉多。可憐明鏡裏。顧影兩婆娑。

石溪聞砧有懷

十日滯征鞍。三秋憶舊歡。客中人易老。病後路偏難。雲與層岩白。楓子密葉丹。娉婷溪上女。砧急爲誰寒。句容七夕同。葉繒先。家弟搢公爾。從釀飲。

暑枕渾無奈。星橋尚有期。舊遊沽酒地。新浴納涼時。文以送窮拙。思因乞巧遲。誰家鳴玉笛。偏向旅人吹。

咏老梅

老梅亦解隱。樹裏穩藏身。瘦幹澄虛沼。閒雲作比隣。香清能入夢。花發始知春。吾欲亭其上。緬懷放鶴人。

與田父飲留宿

日出衆山幽。此翁何所求。頗饒蘿薜趣。兼足稻粱謀。水涸魚爲市。春殘麥有秋。盤飧供一宿。偏爲老夫留。

浴罷

浴罷憩空亭。亭空萬象冥。蛾眉山吐月。鵲尾火流星。仰卧喧仍寂。耽吟醉轉醒。何如谿上鳥。濯翅宿沙汀。

童子分菊

奇種誰能辨。滋培應及時。汝從何地覓。獨向小窗移。別蠹如防寇。芟繁且護枝。待他秋色好。浮白咏陶詩。

孟陬八日山僮報子霞舉孫命名曰穀

椒盤方獻歲穀日更晴暄鵲報簷前喜枝添堦下蓀三
遷懷孟訓百忍媿張門尚有弓裘在毋忘襁哺恩

返照偕甦菴弟遊鐵塔寺登準提閣次和原韵

招提同散步峻閣一凭欄鐵塔何年構摩霄冶鑄難雁
鴻雲外度海岱望中寬媿我墮吹拙挑燈索句看

泊高郵有懷

帆纜開寶應舟已泊高郵塔影城頭出人家水面浮一
鈎新挂月半枕冷吟秋遙憶樸巢子應憎汗漫遊

示三子

獨酌不成歡孤吟強自寬野荒天盡黑霜重榻先寒落

葉隨風掃枯枝入醖幾遙憐三子隔未解覓團圓

新菴多奇石太石屋二里許僧公以玲瓏榜之石

應點頭矣予坐此欣然有得因僧索對爲賦

石屋新菴小磴通每從壁上揖僧公龍潭月印琅玕碧
獅窟雲浮瑪瑙紅修竹細分泉宛轉香花巧逗石玲瓏
輞川一幅應難畫我亦模糊在畫中

客金陵

三年九月滯長干千里孤舟行路難鴻雁數行容易寫
菊花幾度未曾看藥存丹竈常扶疾衾恹繁霜亦耐寒
聞道故園征戰劇江湖何日覩安瀾

重九日飲祗遼山房同吳坤含段相玉

粒粒盤餐盡苦辛。田家藜藿意偏真。焚餘茅屋仍炊爨。
亂後山禽亦避人。穡事將登泉已涸。賊氛未淨堡纔新。
莫將野菊虛佳節。醉把松枝挂葛巾。

人日

仙茅七葉景方新。禹峽征途別有春。宿雨乍收山點黛。
曉風初拂水生鱗。尊中栢葉爲知己。眼底梅花是比隣。
此日題詩忘在客。不須剪綵貼成人。

過梅嶺謁唐張相公祠

百粵山川到者稀。越三千里興遄飛。天開絕巘通南服。
地闢周行接翠微。幽澗潺湲清入耳。半空霖霖濕侵衣。
曲江錢碣依然在。丞相祠前俎豆非。

同古岡林荃猗許雪橋梁學下夜集分韻

月湧瓊樓最上層。玉壺濯魄冷如水。羣峯翠擁摩霄塔。
古壁孤懸入定僧。石拜林間呼米芾。鳥驚葉底嘯孫登。
漏沉莫惜蒲桃醉。枯坐翛然獨對燈。

過二禺峽

羣峯對峙倚天開。禺水中流一櫂催。我已投冠應去急。
寺曾挂角特飛來。玉環重訪歸猿洞。金鎖空懸釣鯉臺。
告別瀆陽不復返。嶺南有客送春回。

歸去來詩効長慶體二首

再不勞勞逐市塵。數椽茅屋合藏身。崖泉卸處橫穿沼。
松逕疎時密補筠。喚取麴生爲密友。拉來石丈作嘉賓。

醉聽谷口黃鸝轉方信桃源別有春
嬉子潮連楊子江歸時擬買小漁艘
布帆款乃風隨櫂
箬笠婆娑月滿窓釣得舫舫時潑潑
呼來鷗鷺或雙雙
隔溪喚取採菱女一曲菱歌酒一缸

答爾止弟見懷步韻

垂髫尚憶共衾時長晚同吟聽峽詩
孤雁不堪天外繫
五羊每寄夢中思支床偏愜扶脾酒
掃石還耽賭墅碁
惟待巾車消寂寞頻呼稗子候東籬

兒拙挈妻孥入山殊增離別之苦

梁鴻歌罷出關時德曜柴車隨所之
豈曰吾兒依匪母
翻怜稚子棄其師未荒松竹閒應護
多病桑榆養恐遲

尺璧寸陰良可惜三冬須下讀書帷

老妻花甲初度感示四子暨諸孫

曙色籠窓喜雀鳴恰逢長至一陽生
負暄轉憶牛衣冷
披褐何須象服榮擬向鹿門偕攬轡
還疑愚谷輟躬耕
莫將榆景輕拋擲好薦明禋采杜蘅

松棚

松棚臨水結層陰永夏渾無溽暑侵
賴有瓜藤初引蔓
漸看竹笋欲成林蒼鶯投瀨盤圓翅
黃鳥迎風弄好音
偃仰衡門人跡少小孫長伴醉翁吟

黃梁夢

欹枕夢黃梁百年只一瞬借問邯鄲人
至今醒未醒

曉發

曉冷長途客子烟生幾樹人家鳥聲喚起紅日馬蹄踏
破霜花

春閨憶遠

繡來交頸鴛鴦織就迴文錦字望斷玉關三千倚遍雕
闌十二

子夜憶內

院鎖苔痕樹鏤陰二千里外攪愁心遙知閨裏今宵月
深坐無眠咏藁砧

雷峰夕照

斜暉鴈落正黃昏古塔烟籠祇樹園衲子半歸昭慶寺

遊人齊入湧金門

謫仙樓

謝朓青山太白樓千秋詩酒讓風流只今樓外三更月
一瀉長江萬里秋

紫沙洲

紫沙洲前風浪平綠莎屏下客舟輕晚烟漠漠人家冷
荻雨蕭蕭漁火明

小齋初成對花咏懷

碧桃結子桂生芽檜栢青青榴始華一卷殘經猶未了
煖風吹雨上窻紗

弄孫

釋子依依傍酒爐。助吟亦解拂吾鬚。明朝欲到合明寺。問爾能持拄杖無。

江之漢

字向若萬曆間諸生少尉儒望試輒前茅行卷流布吳下極為馬君常太史所推許邦人

傳誦奉為絜令公亦自負致身通顯直契戾取之十舉鎖院不售順治初猶索筆旅進莫得一當然氣槩亦小沮矣晚以口耳之學為童子師與予齋隣間有廖酬之作壯心逸致尚勃勃行間今按其稿不可得其弟之洒手授愁吟一冊公自序以刊行者也匪是則無從獲隻字剗剗之力顧不大哉

朝氣

晴雲送日出。猶帶晨鐘烟。禪燈半明滅。漁子已開船。露草濕芒屨。鵝鴨喧曉天。新迎朝氣好。獨立豈徒然。

方子建為予作畫賦贈

迂才素不長於畫。見君墨氣通畫理。精心欲掃筆下塵。

摸索到處疾。伸紙密處求疎濃。求淡遠近之間如意止。化工畫裏原無題。寫得相似而已矣。能於相似忘其真。文人長進皆如此。

秋仲返舍別友人

村鷄鳴薄暉。江月淡微明。遊子今朝色。離人昨夜情。風塵催去馬。卮酒戀啼鶯。惜別由來苦。還緣重友生。

立秋後一日喜姪葦渡至自蜀兼得兄楚望消息。客蜀又經秋。相看喜不休。常從別後問。恰慰望中愁。但說尊人健。兼聞作吏優。峩眉天半路。此坐一番遊。子自署此

人道

野望

音印風雅卷四
宜雨宜晴此際收。一帆風影蕩孤舟。纔穿樹杪和烟入。
忽過沙汀帶水流。野鶴銜雲任去住。芳蘋依浦自沉浮。
遠心對此看無盡。坐到晡時動客愁。

歸舟

江上扁舟興倦餘。客懷憔悴嘆歸與。等閒又作三年夢。
幾度空悲十載書。白髮催人驚日月。青雲悞我卜樵漁。
一丘一壑猶堪隱。底事茫茫生計疎。

月夜聞潘蜀藻隔墻高吟走筆賦柬

寂寂空齋午夜秋。朗吟聲度隔墻樓。詩情原自孤同調。
酒興何妨覓舊遊。昔年。詞聯白雪莫嫌衰老憶丹丘。
近來想亦憂雲。狂待我收。時方憂旱

野渡

溪口小漁船。招來挾一槩。暫泊送行人。孤櫂仍獨往。

村叟二首

朝驅牛羊來暮驅牛羊。公半在湖上眠半在山中住。
有時持釣竿獨向溪邊立。問叟何所思魚來水自急。

老翁

老翁猶記前朝事。近日風光大不同。留得少年他日老。
更將瑣碎語兒童。

姚孫森

字繩先號珠樹天啟初諸生湘潭令渥源公之仲子也少與方太史拱乾蔣民部臣諸公

號六駿文舉翔起性好遊器量淹雅姿容瑋麗每出車服甚都所至奉為重客卽千金裝隨手輒盡意廓如也一中副車再舉賢良方正順治初以明經署浙江龍泉學博作士有聲公詩初學竟陵既

乃瀏灘渾脫出入錢劉所著可處堂集仲子文燮
官建寧鏤版問世吳水部無齋錢司李飲光爲序
而行

送方三計偕北上

霜氣滿林原其風亦凜冽百靈肅檐楹矧乃千里轍心
知別有期漫不言將別胸臆時詔語覲對安于嘿同居
不同行居者自婁絕睠戀天上輶虛此山間月天路方
新輝高翔奮長翮草樹亦含思悲盡翻成悅飛潛各自
分勿悔久離折

送謝孺玉魯玉任仙孟劉阮仙還楚

男兒重意氣結交在賢豪滌蕩千古心款款常見招與
君爲兄弟綢繆等同胞所憾異形骸况乃萬里遙別君

正炎夏道路亦何勞班騅悲自鳴黃鳥憐不嬌悠悠憶
河梁脉脉同此宵寸腸苟不渝令德慎所標

孟秋朔日雨中李通侯玄素招集清嘯園同滕伯
倫劉念先劉客生范仲闇劉阮仙方爾止方密
之謝孺玉吳子遠胡子濱唐祖命卽席分韻得

霽字

秋氣到林園一葉下階砌冉冉秋雲陰涼風生羅袂主
人清且賢幕府集蘭蕙雷電燦綺筵狂歌奪雨勢蘿薜
映山窻觥籌渾不計百靈肅檐楹清商如鶴唳不愁雨
不休翻愁雨聲霽持此金石心風雅歸冥契

楊公實家髮駐雲花朝日二八初度卽席賦贈

音耶風雅卷四十三
濛濛春月漾花林一曲春歌花裏心露滿花繁聲不駐
香風裊裊入雲衣圓珠瀝瀝溜盤盃不斷柔烟醉春柳
春到花朝又兩朝美人湯餅可憐宵二八流光驚易度
傷心最怕芳辰誤身輕立不敢迎風亭亭小倚花枝中
鬢笑含情在秋水肯入遊人春夢裏

戊子暮冬客海陵宮紫玄示余春雨草堂圖秃筆

賦此

幽谿曲沼春沉沉伊人嘉遁入春林閱盡滄桑意轉恬
初衣全澣海陵烟欲買青山先買屋草堂結構城西麓
芳草湖汀空翠裏全家都令住寒水桃源莫問秦人櫂
角巾鳩杖舒長嘯君不見西山之巔數晦薇膏雨陰濃

春正肥又不見浣花之溪數椽室詩句經年滿緗帙山
水緣深未肯了指間燦爛春花繞墨光化作西湖雲篋
中朝夕雲紛紛偶向閒窓展圖譜耳邊已似聞春雨昔
人欲縱遊觀樂一室之中繪五嶽君置西湖于几座世
人空自分小大撫琴動操衆山響春雨瀟瀟湖水長我
有龍眠廣且深芳蘭十畝橫碧岑鋤烟灌月頗足娛歲
暮容此胡爲乎荒寺積霰陰漫漫怒風到山吹晝寒篝
燈靜夜照孤影層冰未似人心冷喜君示我圖數幅宛
然坐我春林側人生貴適禽向願相逢寧作窮途怨畫
裏猶能移我情況復將身畫裏行新詩裁就魂已去明
朝擬踏林間路

十一月初五夜月

新月過山淨。秋天色自殊。初更遂欲別。永夜越添孤。鄭
重明時晦。凄清有後無。來宵應記取。未晚望平蕪。

月夜僧夢雲問疾

月若期僧至。中宵作畫看。劇談茶亦醉。深坐漏忘殘。樹
吼歸雲亂。烟生破衲寒。衝風成遠送。翻覺病粗安。

雪夜懷兄純甫

小飲易為醉。雪深猶未知。忽驚歸鳥亂。出見蚤梅滋。不
辨山林色。能添烟雨姿。剡溪曾有約。正值夜寒時。

舟雨

晚風全入水。相與助為寒。雨色炤荒岵。江聲走急湍。險

能徵定力。眠直廢嘗餐。聽說秦淮近。開窓放遠觀。

月夜渡江歸自京師

江晚風偏急。烟波一櫂還。攜來新月色。分炤故人顏。花
路積梅雨。春衣生蘚斑。熏香理舊帙。肯負半秋閒。

將出遊有感

菽水它鄉裏。晨昏忍鬢離。難將游子意。盡令老親知。烽
火驚新析。家園冷故枝。謀生吾本拙。俯仰欲何之。

喜七兄純甫至自白門

同作天雄客。君來我更先。鄉心應較切。生事正相憐。春
滿池塘草。堂開花萼天。衙齋清露肅。姜被足酣眠。

北歸四首

生計慙余拙終年路是家
遍看園內樹誰放舊時花
水較春前長籬猶雨後
斜荷風如款主送得晚香
賒曰歸豈不快秋近易爲
悲世事貧方見人情老始
知加餐偵母喜沽飲怪奴
遲隣叟聲音熟閒吟隔院
窺征裝何所有數卷未盈
車貧比去時甚愁從到日
加婢炊旋糴米僮煮隔年
茶鄉國方多亂安居敢怨
嗟萬事歸來好城隅舊草
堂青天容我懶白日看人
忙墻短留峯影窻虛納雨
香相將同稚子讀罷共徜徉

東徐仲衡

昨夜三更雨添人兩鬢
霜櫓聲喧急浪燈影泛
孤光夢靜嫌衾短山寒
覺漏長誰能諳寂寞賴
爾共徜徉

喜兒爨應試來白門

頭巾吾欲棄爲爾思翻
深得失原天數荒勤見
汝心夢懸關店雨風和
客床吟不寐縈家計寒
侵到曉衾

荒園

荒園集微雨深坐寂無
譁新月陰猶照芙蓉冬
尚花囊從前日盡酒向
隔隣賒莫怨淹行李浮
生誰是家

與方坦菴三首

方子論交日于今三十年
升沉甘自異閱歷倏過
前世眼盡皆白吾文敢
曰立相憐惟有爾覲面
轉凄然將母慚無策當
年亦使齊濯衣愁小婦
負子媿山妻徒步見全
慣茆堂姪與棲更憐諸
幼女無食向人啼

懷抱今如此。淒涼未忍鳴。關心惟老友。不了是浮名。治亂雖歸數。行藏敢太輕。幾回甘小草。復恐負平生。

八公洞

入山不見洞。逕曲洞能生。墜戶接雲氣。疏畦滌雨情。竹凝隣院碧。泉送隔籬清。靜極無餘響。滿林鐘磬聲。

北固山

山近時能過。江光到眼明。魂飛投子下。秋老潤州城。葉冷霜留色。花香風有聲。疎鐘催早月。欲慰旅人情。

生生菴

太守前朝彥。爲官最有聲。鑿山依古刹。結宇對高城。樹欲留春色。池能適物情。亂餘常怖死。竟日坐生生。

同笠公呂霖生登金山

杖策陟高岑。低看波浪深。晴雲籠遠樹。石屋亂秋禽。氣至極清處。坐生無雜心。西來不盡意。領取海潮音。

焦山

踏遍焦山路。諸山安足云。翠從岩樹落。清與嶺烟分。曲逕行疑失。晴濤望不聞。晚來乘小艇。目送度江雲。

竹林寺結冬看箬公上座

去時方結夏。來值結冬時。萍跡元無定。蓬踪若豫期。語催花影亂。燈表佛容慈。寒響入叢竹。都歸靜裏思。

病中沾飲

衰年艱一睡。病亦仗清尊。冬氣夜侵骨。霜天早閉門。寒

庭驚剝啄。隣釀到荒園。強起坐床簀。微薰煖客魂。

客中除夕

故國當今日。閨人還倚扉。此時猶不至。始擬未曾歸。忍淚供生菜。多愁任敝衣。應難獨守歲。憑夢出深幃。

雨後畫溪待月

曲曲園林傍水涯。幽恰值日將斜。山逢靜夜能留月。池貯輕舸可當家。野吹涼生經雨竹。疎鐘敲落受風花。狂歌醉倒忘歸路。卧聽哀蟬噪晚霞。

山中雨夜東方時生訂贖山遊期

雨過閒庭樹影鋪。橫空烟色冷平蕪。一泓流水自清淺。幾曲青山半有無。交爲情真翻似隔。夜添僧伴愈成孤。

朝來試看新晴路。竹杖鏗鏗石上扶。

儼友人河東別業

也知閉戶願難成。但免逢迎靜者情。細路穿林翻似野。斷橋隔岸尚依城。居猶未穩廊先構。樹欲成陰窻不明。燈火半簾風雨夜。幽情恰稱讀書聲。

墨蘓齋看雨

幽花自落點苔斑。高閣深深烟雨間。新竹每穿當戶徑。古藤剛覆繞籬山。看雲聽鳥渾忘世。課石分泉却未閒。漫道主人饒癖性。惟余有夢亦相關。

旅店雨宿

金飈浙浙冷秋山。款段翻乘烟浪間。僕子正愁歸路隔。

遠人爲愛客途閒
沾來村釀偏難醉
夢太粧樓苦易還
雨過疎簾容月入
夏言何處是鄉關

傲園解嘲

傲居無意傍青山
何幸青山入座間
墻短涼從高樹至
徑迂人共野花閒
長看遠霧峯頭出
細數飛鴻天際還
客裏盡知耽靜癖
誰能日日事躋攀

雨中復柬諸子

前峯浙瀝響重泉
梅雨深深五月天
小几罇爐燈火靜
故園茶笋色香全
山多亂後人依住
詩苦吟時句不傳
蚤晚著書長閉戶
思君望盡一溪烟

謝孺玉欲別我之湖上詩以留之

把酒論文興正賒
何堪遽汎剡溪艖
秦淮河畔月方滿
西子湖邊秋尚花
奕世誼深烽火日
中原名重蕊珠華
萍踪遭際艱難甚
隨處烟波可當家

吳甥爾玉自廬居抵金陵兼出其江行詩相示

烽火千郊故國虛
憐君此日尚居廬
夢魂未與幽冥隔
筆墨皆從血淚餘
異地經懸荒草榻
同心話勝故園書
渭陽自古情偏劇
來未經旬忍別余

閩遊歸集謝仲玉飲時見焱將婚卽席得凰字

青谿雲水接瀟湘
歲晏萍蓬聚一堂
鴻序幾年悲別鶴
鳳雛今日快求凰
新詩夜送貧厨酒
荒圃風疏小樹香
錦荔亦添花燭色
良宵絳蠟爲君長

贈望海楊斗北先生

雨滿高齋抱膝吟晴峰忽爾恣登臨寒花匝地香千樹
野鵲啼春月一林湖海路幾成蜀道門墻誼已重南金
也知漢柱名題久桃李叢中聽好音

疾有門下士言
疾已陞駕部

杜言邀同董孝疆飲純陽閣

疎柳涼風夕影偏振衣遙上最高巔亭因載酒花忘掃
客欲探奇榻未懸囊澁儘教詩草積窓虛許共野雲眠
閒踪自笑同萍梗鄉信紛紛付浪傳

時有言故
鄉寇警者

病起贈居停管思戒

湖海遨遊已及年相看小極自堪憐從人乞米聊克食
共妾舖糜不問田欲櫛忽驚新白髮懷歸藉有舊青氊

挂帆宜趁秋風早停泊因君榻未懸

立春日同友人飲友人出其新編見示

年年操艇走風塵此日飄零媿老親好友乍逢欣似故
舊書重讀即能新遊經歲月占身健盜滿江湖賴橐貧
雨雪蕭蕭天欲凍岸邊梅蕊獨催春

贈葛太嘗吧瞻先生

西冷靈氣鬱龍旋寰海欽瞻矍鑠翁大業四朝推國老
弘文八代起衰風太常清節追周澤仙籍長生註葛洪
久矣帝心求舊碩恐難堅卧北山中

野泊

窈窕青山青可憐孤舟小泊絕人烟春光九十花應老

音耶屋牙老四三
江路三千月再圓。傳說兵戈危聖主，親逢盜賊上隣船。
祇緣昨夜驚深夢，坐對清光自不眠。

夜飲陽署留別馬正誼

鄉夢長從涼月生，歸颿何幸及秋清。
荔枝經雨房全熟，棠蒂成陰瘴亦輕。
話間吟虫支夜漏，爐添新水助風聲。
旭光莫漫搖冰署，祇恐驪駒向曉鳴。

雨中訪友人

柴門深掩靜無驚，藜杖衝泥日暮行。
千樹受風雲影亂，一泓過雨月痕生。
交因貧賤情逾摯，話到功名意已平。
征馬且歸城市去，來朝未許向人鳴。

客中有感

小雨輕涼苔徑封，晝間旅思自重重。
山川遍歷知誰主，天地雖寬似不容。
將老漸于書味洽，長貧翻覺世情慵。
微風幾枕虛窓夢，遶盡江南無數峯。

樓望

江風吹雨入林端，野色都從戶裏看。
一榻三秋黃葉積，千峰雙屐白雲寒。
春過北固花纔放，霜壓東籬菊又殘。
何事柴門歸約負，半間行李欲挑難。

舟夜讀史達曙

客裏篝燈勤夜讀，數驚身在一舟中。
頻年撰著曾何濟，老大咿唔豈送窮。
書爲健忘欣乍校，酒無下物藉諸公。
櫓人夢醒催鳴櫓，久雨新晴趁順風。

別价人有懷

擬君歲暮上公車。曾記雙魚奏起居。意外留連停桂楫。
衰年酩酊仗籃輿。纔彈江北無魚鉢。猶望湖東寄客書。
春過花朝寒愈甚。雪風如戀廣文廬。

栢里道中

庚寅春奉憲委踏勘災荒崇山峻嶺日在風雨
中行感而爲詩

連朝烟雨浣征塵。草際空香天氣新。飛瀑帶雲珠似雪。
斷崖凝翠蘚生鱗。老農自荷鋤迎客。小徑翻嫌車累人。
怪底夕陽明遠嶺。桃花紅殺洞門春。

木岱道中

寒食至今寒不解。羈栖未有半朝晴。谷雲欲散溪旋漲。
山鳥無言鳩獨鳴。擬覓筍輿分嶺翠。好憑竹閣領泉聲。
疎籬茅徑宛鄉曲。畢竟溪謀是耦耕。

泛宿潭湖寺

鶯花漸過不知春。笠雨竿烟與夢親。晴月入林如媚客。
寒禽啼樹似呼人。世尊傳是三唐像。父老猶然萬曆民。
此際行游懷尚足。青山好問赤松鱗。

避雨田家

旦旦清流衝石出。家家黃犢遶籬眠。千峰爭送三春雨。
一日常經四季天。老母計年疎菽水。寒官累月伴雲烟。
寄聲小婦休樓望。楊柳青青到處然。

音
吳柱溪白冠竊發檄鄉勇往擒之

圖繪流民方欲獻潢池何事警烽烟寒官夢亦關軍政
饗士囊先損俸錢虎子會須探虎穴龍泉無異住龍眠
當年策應因桑梓此日空教惱鄭虔

斷橋

湖光山色遠連天小艇空游破冥烟簫鼓樓船紛似市
往來只在斷橋邊

放鶴亭

曉風吹雨過橋灣偶爲看雲獨往還翻笑孤山林處士
當年放鶴不曾閒

六橋

經年故國無消息五兩輕舸可當家莫怨春歸花事盡
綠陰如蓋勝於花

湖心寺

山色空濛湖水平葛衣短襪受風輕湖心亭畔湖心寺
多少游人看放生

片雲石

奇石自令人下拜誰能對此不成顛深山晴雨元無定
一縷閒雲鎮日眠

吳山

雨過危巒曙色開樓臺層疊水縈迴長松夜半濤聲發
疑是江湖八月來

方撝謙

音且居牙先四三
字君則號四顏性至孝既貢以母老不赴廷對居家極色養之奉厠踰必澣母年近九旬

卧疾君則病且死戒勿令母知恐貽其憂既歿母始聞未幾亦卒

二蘓墓

睂山有二蘓睂山不得有或在楚之南或在粵之右大蘓海外還毘陵實回首愛茲汝之陽花萼共高阜霍塚比祁連霍里草芊芊西陵多疑塚枉自哭橋立二蘓文章在雲漢自經天黃土焉能蓋鼻屨豈足傳墓木不敢薪墓門不敢田何須問石馬翠柏自年年

馮姬歌和宋牧仲

苧蘿不作五湖遊金谷佳人不墮樓年華荏苒有何意紅粉何堪到白頭莫歎馮姬歸太早不見憔悴但見好

田橫死士有雙禽

姬死素所畜鶴鸚鵡亦死

不比小青姝草草休為

客舞舞羊公前生同在繡嶺宮繡嶺宮前塚如許何似纍纍遶海東

登黃山

天外三峯陡如削桃花曲澗通幽壑樹杪高挂百重泉直疑倒瀉銀河落平窺下界多烟霞願攜鷄犬即為家田可躬耕飲黃犢還宜煉藥浴丹砂須臾颯颯風雨至雷電奔轟晦天地若非潛卧蛟龍驚定是探奇鬼神忌朝來雲滿海天秋頃刻萬狀不勝收回頭依舊千峰霽日暮芙蓉紫翠浮

射虎行為宋牧仲別駕校獵一日得三虎而作

以石爲虎沒箭羽以虎爲石射不入丈夫意氣獨精堅
眼底何勲不可集孝侯除害先南山邑無苛政去仍還
何如併除肘腋害老婦攜兒宿草間入虎穴探虎子周
留背上微烟起壯士用命如奔雷大虎重傷小虎死須
臾三虎刳階前宰肉如宰天下然淺幟製作車前式二
弓交韞色爭鮮父老競欲與虎訟安得神君復遇宋羣
虎負子盡渡江贏得朝耕及暮種卓然三異動彤廷天
子召談虎觀經上殿相爭氣如許陳思繡出畫圖青

洛城懷古

洛城禾黍動人思洛水東流無已時幾處斷碑縈野蔓
誰家舊館鬻新葵鶉啼不盡百年淚燕乳爭巢林上枝

興廢已成十七史北邙何必歎纍纍

贈俞喜臣

麟閣勲名指顧間不禁鵬血滿燕山吾有恨難言報
弓劍相依未忍還幾樹冬青堪漬酒誰家藏碧已成斑
南枝莫向揚州路且護西陵月一灣

次韻和潘蜀藻立春日值坡公初度携酒赤壁酌
之

問君何日作閒人律轉黃州七度新不記添籌共栽竹
但知月夕與花晨丹傳勾漏留顏色凍解東風識苦辛
認取歲寒千古意蓋同桃李鬪芳春

坡公生辰爲
臘月十九日

虞美人

英雄氣骨爲君柔。心欲灰時淚未收。灑向花枝皆是血。
楚歌大漏滿園秋。

與潮日浪十水史非竹何必漢纍纍

龍眠風雅卷四十六目錄

木厓潘 江蜀藻輯

於越呂光輪晚邨 叅

同里姚士堅庭若

吳道凝 六十一首

王大仍 四十首

龍眠風雅卷四十六

木厓潘江蜀藻輯

吳道凝字子遠一字至之號虛來宮諭宗一先生之

奉化所在職辦未幾挂吏議歸公少負才名胚胎

家學吮毫伸帝滾滾不休與人言才辯蠶湧傾倒

遺草書尤橫絕一咀漢魏瀾洑三唐有朱絃清廟之

雅志石渠天祿之業齷齪百非其好也予僑寓

秦淮時詩文有所質正公輒謬加許可不容口出

至下交引忘年之義曾以大指齋詩集十二卷貽

予轉徙以來卷帙零散搜牢敝麓不可復得已西

其所記憶未刑之詩不下數十首疾錄一通藏之

行笈而以悼亡遺歸倉皇中亦歸身有僅從過兀

集及予舊鈔本采若干篇殊未足盡公之長也循

有所思

有所思泰山梁甫間何用問遺君皮骨將心肝日月紹
繚之相思不可得手舞足蹈之我心悲我心難自持從
今已往慷慨何爲君心知不知朝餐暮宿僮僕當知之
日月在天星辰垂仰視中夜旁皇歸

東門行

出東門還相望握君手淚沾裳天涯有賤子東西南北
皆心傷解一作傭心所耳執御分相當人生重故人何愁
貧病老他鄉解二老他鄉開門滿酌醇酒關門不問春糧
白日易晚朝露爲霜少壯幾時空慷慨解三白日易晚朝
露爲霜少壯幾時空慨慷行吾去翱翔中心藏何日忘
解四

燕歌行

雨雪霏霏單布衣江風栗烈有人歸解一魚潛水底不敢
窺雁宿蘆邊不敢飛解二舊年初夏及于茲胡爲一旦不
可遲解三賤妾他鄉私淚垂日日思君知不知解四願君高
舉藏羽儀願君深心還識時解五賤妾容顏難自持江水
悠悠隨所之解六寸心脉脉當告誰君乘驄馬大道馳他
日與君還鋪糜解七

遊仙詩

宮闕金銀多不能任仙人囿中坐竒草水深垂長綸呂
政好萬歲南游窮海濱云有三神山使車何鱗鱗海外
多餘田方士常苦辛王此童男女何如稱人臣待詔金

馬子搃地日飲醇世宗恃雄略但求不死藥五利無玉
簫鳳臺空可作素鹿飾黃金汗漫青絲絡階前荒草生
白日將安託跣足入終南四海自寥廓人生最美好被
髮茸霜幕桂艾煉形色富貴不足學咄咄無仙才屠門
期一嚼

江水深

北風過寒江顏色變顛顛日者在房戶家人屑涕淚告
我江水深水深多危墜碎首鄉井間虜發遠魍魅不惜
荒土田骨肉亦可棄輕資奔遠道忼慨試危地順風到
江南百兩市瑛解千金儻大屋高會歌既醉玉鉤飾朱
纓明璫雜翡翠作使狹斜兒鄉里耀僮稚筑聲慎勿擊

隱几託假寐江水若可絕驅車挽歸轡

長歌行

我聞三神山乃在東海濱松柏夾長道不知冬與春仙
人餐松柏顏色一何新散髮乘白鹿赤幢覆其巾忽憶
少年時挾策遊燕秦上書見天子願爲天子臣馳驅亦
已老努力長苦辛今至蓬萊中可勿憂賤貧吹笙未一
曲散盡人間塵我與王子晉嗟此世上人

聞寇渡漢同方璽卿先生感賦

有客走江南痛哭爲我道賊兵一夜來狂風摧大纛王
將旣陣亾官軍變爲盜秦人入楚中楚人爲鄉導一葦
濟千騎江流空浩浩塞雲忽南北中間絕音耗枯骨枕

荒郊見者增悲悼白門盛繁華舉此聊相告楊子千尺
波楚賊應難到

胡石屋仲晦招飲黃鶴樓

日落江氣虛浮雲不肯白萬頃浸空明青天容易窄高
樓探竒懷遠入頻可接峰巒乘潮來蛟龍上臺側靈斧
闢終古混茫遜雄傑灑酒凌寒風夢魂貽羽翼丹爐難
久然肝腸向誰結與君頓足間寥寥繁響絕石室晝消
烟老樹春無葉滌襟振神韻蒼冥或未隔漢帝求三山
窮年迷雨雪

登觀象臺

山氣凌白日蒼壁陟岩堯龍從鍾山英潏沆江聲驕焜

燿祠十廟瞻望起六朝鏤鑄有鬼物神龍意飄搖璿璣
徵帝極渾儀懸斗杓六術數可定七星度不遙風雨行
其間氣象干青霄幽人步靈臺希鞬且採樵俯眎中原
色舉手招王喬落日鳥亂飛沙起折樹條宣夜者誰司
漏刻恣蓬蕭

詠懷詩四首

天地何寥濶衆志聽紛紜逸者適爲勞枯者適爲榮達
士無所懷區區秉其貞浮雲西北飛日落難東升乍寢
如棄骸夢中無此身野草雖易萎萬古無窮青

江河猶在地日月猶在天蓬蒿與蘭蕙高下何所懸章
服盛榮華貴顯非徒然公輔各有命黜陟原無權竊咲

魯夫人終年不食鮮

李聃出關後中土鮮真人曼倩雖玩世毋乃自殘輕郭
璞身死後其術竟不神人生順自然百歲無勞形元精
還太虛穆然終古存至人遇仙後七十無所營朝夕蔬
食供何曾餐黃精至理已冥契脫骨如遠行

北山有枯桑主人斧爲薪枝幹既已除藐焉根獨存根
爛無斧柯雨露歷冬春春深百物滋下有桑條生荆棘
恣叢蔽枝葉多身榮樹下誰家女朝來筐已盈桑大葉
益多蚕肥綿愈明至今北山上桑葉如垂陰道傍多嘆
息不見伐桑人

社集分題得溫柔鄉

白日既已暮朱顏難久持人生天地間倏忽如飈馳蒼
梧骨已朽黃龍駕難追蓬島亦非遙何不往登之呼吸
盡溟渤鞭撻走虬螭千載尚云天白首呼爲兒酌酒無
所歡談笑世人爲飛瓊捧絳綃雙成進霞卮神仙多好
色金屋廣冰姿所以秦皇帝日夕勞夢思男女三十人
下海無歸期徐生卽非仙天子甘心之春秋七十後宮
闕生歔歔竭力求神仙冥漠不可攀胡爲方士惑金丹
無生還神仙誰少壯皓首成華妍不如擁美色自終其
天年

余與劉客生把臂兩閱月矣予以心贈客生不可
無一言遂作歌將之

君何爲乎來白門白門繁華感客心盛衰偶爾入懷抱
胸中眼中傷古今六代佳麗不可起烏衣遂步空餘址
燕子江頭飛不回莫愁湖冷人誰是君家自古帝王州
秦漢旣往君誰儔山川勝槩雄天下千里爲君談笑收
君何爲乎來白門江南山小不足論三江五湖浮天地
日月出沒大海濱徐淮舊有驅車路錢塘又見觀潮處
下筆疑有波濤來片言能使蛟龍赴君將交盡天下人
內江范子君知心席上忽逢吳十四掀髯拜手託生平
吳子流離四年矣不知他日窮何似自許心肝值萬金
持贈無人敢當此君心有若君鬚眉常與天下共見之
君心未肯輕贈人心心相照穹蒼知當今盜賊滿區夏

南嶽烽烟照西華杜陵樅水兩布衣夜雨挑燈坐茅舍
我知君懷多旅愁江南桑土無綢繆我心甚苦愁不得
大醉秦淮水上樓挈我終南歷太行與君白首常相望

短歌行

窮生今日無所歸一身飄泊東西飛半年一年不得返
年年夏日典春衣僮僕夜深相詬誶誇說貧賤文章貴
卑濕侵人雨不休抱病晝眠無一事吁嗟乎主人不如
歸去且安貧從今莫言交貴人可憐病母依門立可憐
稚女牽衣泣

吳門投贈徐勿齋先生

芙蓉殿前乘雲飛未央遼絕懸緋衣脫劍持豪車輪走

前門風色黃河歸秘閣袖書上天子甘泉明月照江水
江南子弟負玉笈華陰且過張家市綺衣韋帶鎖柴門
執手相慰王公孫劉勰雕龍不得鬻車前噉啣能大言
猶憶長安獻賦日窮身賦就聊抱膝豈能登堂望嗣祖
高談西川有趙壹昨日挂席吹敝裘長嘯高風凌虎丘
虎丘先生帝闕來十年重上仙人樓夜夢老翁擊靈鼓
承明筆札驟風雨青州鄭子西入關絳紗爲帳充歌舞
琅琊流寓松節多莫憐法武空悲歌脫屣當堦著縫掖
摠衣進履猶鳴珂側身北向浮雲變塵沙已盡山川見
聖人端冕坐明中召君劔履獨上殿

送姜如須北上謁選兼奉兩親歸里

廣陵梅花夾道路公子驅車不肯顧望見長安宮殿千
萬間飄風已盡浮雲還抗手當歌對游子幅巾奮袖乃
如此姜郎母謂客作豪羊裘大澤猶鳴刀東行吳越少
年走秦淮獨飲龍眠酒誰爲戴笠誰乘車市兒佯邀城
南居主人作使邯鄲曲群從張燈攫銀燭胡爲乎携劍
直向海岱歸楊柳雨雪相牽衣君行莫厭黃河深千年
萬年流至今岱宗之高幾千丈秦碑漢碣難名狀君家
丈人賢大夫高山流水聊追呼長卿筆札若在手當憶
吳生長歌歌折柳

超宗蘭社贈楊龍友時龍友後至秉燭寫畫隨手

潑墨遂成杰作漫作長歌贈之

鄭子前自邗江來手腕不肯爲人開有時執扇片幅紙
千峰萬壑相喧豷楊子近自松江至偶逢蘭社初舉事
移燈就案濡墨濃見者以爲書大字老樹離竒輪困枝
怪石歷落嶽竒姿樹老石間石無縫可憐細草相扶持
蘭葉幾莖出樹底石竇如錢葉如指兩花三葉參差生
下筆不知從何起楊子閣筆就綺筵一時觀者如雲烟
歎賞咋舌聲不出咸言此法無人傳吳子側坐楊子傍
大言小言中心藏書生不敢言時事空提鉛槧飛羽觴
滿酌一斗爲君進且莫畫蘭畫神駿上之天子鑄其形
嘶風一掃黃雲陣

聽琴篇

廣陵秋夜濤初飛蘭橈桂槳佳人歸輕霜略白堤上草
微月分寒入素幃揚舸西上疾如鳥江水江花金陵道
摻摻纖手拂鵝絃一拂一絃山月曉激羽變徵愁心魂
轉柱促節哀怨煩弔古賢者歌鳥鳥草木脫落天地昏
有時流連水石間潺潺鑿鑿還珊珊冷然幽芳不可摘
忽聞春鳥啼空山世間惟有風雨之聲千萬變此曲變
聲若流電聽者恹恹入杳冥古音邈邈酬新燕

范太蒙先生招同陳旻昭年兄包穉修錢五長程

雄飛令子范汝申同遊狼山時癸未夏五月也

岷峩懸水數千仞轉石砂崖千里震東涯漢水至天門
一山橫絕愁乾坤不知鑿此者誰子江海相通由此始

京口之下無高山瀾漫萬頃虛無間波濤晝翻如捲雪
怪獸相搏眼電掣旭日飛鉉空濛披蒼天倒浸紅琉璃
扶桑隱現蛟龍窟鱗鬣宮室相出没嘆息博望多奇才
鑿空竟自斗牛來西域都護凡數十交州還由海道入
南棄珠崖西閉關海外珍貢無時還延及元時數十載
水跡分明至今在本朝湮沒不復稽議者紛紛空爾爲
我自廣陵牽小舸乘興便欲來江沱此間真人范先生
皤髮朱顏山水情引我徒步狼山上下臨溟渤千萬丈
巋然一山當江中痛哭高懷文信公滿天塵沙晝曛黑
此山不南亦不北洒血陳師激彭咸當獻天驕投首函
友人告余余急渡吞舟吹雲起颺颺舟人悅忽下風颿

重來扶杖登巒嵒是時余病不能醉援筆作歌記其事

閩林小眉姬人畫冊作長歌

白下橋邊月欲寒美人對月舒輕紈欲語不語耐小立
含毫濡墨思盤桓何來烟雲千萬狀怪石枯藤相揖讓
溪邊老樹禿如鶯偃仰龍鱗戲青嶂纖纖幽草如華星
蒙茸微聽聲清冷中有靜者鑿鬚髮懷我寂歷石上亭
石倚筇筴天欲墮危峰傾仄正婀娜大者怒奔小者隨
兒孫羅立高曾坐風雨聲中帶刀劍墨光蕩漾波潏灑
又如絳冠長佩紛陸離忽逢幼女迴嬌豔有時惜墨不
肯寫秋空明沒澹容冶朱唇宛轉丹管間白石蒼崖爭
齒下慧心隨手發妙香形穎縹帶膏瀼瀼昔聞湯夷服

八石我欲餐此凌扶桑

江行二首

觀象臺前望吳雲接楚雲黃沙騰萬騎赤日走三軍亦有車船發徒聞兵仗紛欲因津吏去灑淚問湘君他鄉遊子夢夜夜到輕舟解纜沙汀月鳴榔驛路秋懸帆山易盡送客水空流惟有垂綸叟波濤任去留

山中懷十一兄亞侯

有弟在巖阿長年種薜蘿樹深人語絕路古麝香多南郭然藜火西山爛斧柯共憐朝市客不解厭兵戈

旅中苦雨

邸舍愁三夕羈人似半生呼童燒短燭揀曆卜新晴夢

斷簷前溜心傷天外聲可憐江漢上風雨正行兵

和王給諫送姚永言先生歸里原韻二首

知君廷諍苦社稷未全安鳩告原無好鱗批摠不難單衣東海去匹馬北風寒掖省崢嶸地如何不忍看抗顏陳大義摠欲聖懷安臣節不當苦忠名何太難草苦傷驟冷霜鐵自侵寒來往山林者行行側目看

鷄鳴

鷄鳴宿古寺殘夜發鐘清九月霜風疾衰秋客病生怯寒頻問酒出市厭吹笙曉日當樓影披衣問展聲

潤州雜詩五首

危亭俯絕壑千里暮烟平歸鳥雲中直飛帆听外明樓

臺騰海氣風雨起江聲吳會雄圖久三山擁鐵城
太守風流在空林祠廟荒衣冠留畫壁松檜冷書堂俯
仰山河舊悲歌竹樹傍中庭明月上彷彿接餘光
山徑未能窮蕭然野望通照人池上水向晚竹林風高
士依芳草孤臣託梵宮寒烟飛不盡俎豆幾時豐
蕭寺重來日秋冬異感中不知烟月變那得水雲窮松
下尋朝菌林間出午鐘風泉清聽滿老衲詎能同
孤峰搖巨浪驅石自何年寺古行人少山空老樹全高
尋清漢月長倚白雲天衰草侵遺像經過一惘然

廣陵三首

蕪城春水滿惟有白雲多古道依蘆葦人家出芰荷晚

烟常斷續深柳易婆娑象板銀箏歇風前度綺羅
人歸蕭寺裏月到小橋西流水平蕪遠桃花野听低前
汀巢翠羽深院隱黃鸝正值觥籌錯微聞說鼓鞀
水驛分南北關梁古渡橫襟江帶滄海拱泗衛神京商
舶輸邊算樓船擁使旌咽喉真要害豈獨議嚴城

夾溝道中

風日滿清冷輕帆出野汀幾灣流水白一點遠山青漠
漠荒烟遶萋萋衰草腥傳烽遺戍鼓旅客正難聽

沿河有墩
臺甚
密

東寄密之京邸四首

辭家風雨近黃昏老友三人出郭門分盪小舟波浪急

晚投村館僕夫喧關山雪後思寒火罔寺床頭盡酒尊
從此屬車塵太甚已令歸思滿山園
射影驚聞涕幾行獨驅疲馬入良鄉聖明自念勞臣苦
悲憤翻憐孝子狂僮僕四分多盜賊饑寒一夜犯風霜
吞聲只望天恩重客路含凄道路長
傳制承恩宮漏鳴臺班館閣半諸生袖中常滿天人策
座上應難口舌爭舊有京官除一榜乃勞吏道試專城
知君不獻長楊賦天子同時浪得名
風沙漠漠一人歸馬上春風送晚暉齊魯萑苻今日甚
江淮烟雨昔年非投徒異國行將老養志山堂願不違
蕭瑟懷人亭上望雪花飄落滿寒衣

金陵感懷四首

城上飛花在鳳樓樓前曉日照荒丘金張客亦彈無食
趙李家猶歌莫愁鶯囀銀床三月曲人吹玉笛六朝秋
不知何以離鄉井貪說長安索舊遊

五陵佳客自繁華靚女新妝入酒家無病豈堪依漢月
多情何事聽胡笳天高木落烏棲早夜冷霜飛雁羽斜
不見秦淮秋夜水幾年桃葉醉仙槎

望得京師佳氣無風烟吹起塞通衢起居禁闥秦丞相
潦倒書樓漢大夫自咲匣中無寶劍何爲市上問屠奴
不如握粟從詹尹遊子遲遲出國都

麟麟車馬長安道落落簫笙年少行旣死陳思誰愛客

音賦屬牙卷四十二
枉逢叔度不知名平原處士能吳語下里巴人習楚聲
坐有豪家難唱曲市兒携手過南城

過陳龍媒廬居感賦

荒原古塚暗縱橫因岸爲廬斬蔓荆白晝無人山鬼嘯
青燈將滅野狐鳴冷苦侵骨還多病破屋經秋已漸傾
血淚斑斑露隴上至今春草不能生

爲錢幼光三十

憶昔從遊大父行松枝虬屈桂花香兩家子弟年皆壯
一代詩書澤未亾織紉不愁糧粒絕鍛爐共幸姓名藏
何能任達狂呼久聊與終宵盡百觴

送鑑在赴史摠漕之聘

最苦他鄉離別情不堪歲晚送君行淮南使者新開幕
河上諸州久被兵阮瑀叅軍無副草呂安交友重藏名
寒天遊子歸何日回首烽烟繞故城

邗上姜開先招入衍園作

參差石勢擁樓臺嶺上孤松覆水隈月冷曲池開荇葉
雨飄深洞隱莓苔前林客過山初轉小徑雲歸鳥未回
窓外薜蘿青到几海棠早已送秋來

淮南道中同友人旅思

十沙渺渺起風烟同挽柴車落照前麥秀漸漸明斷岸
柳花漠漠遶原田淮南風俗猶如故河上兵戈已數年
惟有惠連多逸興何期携手出江川

送童玄額持節監五省軍

漢廷曾說下牂牁橫海樓船霜渡河月夜初聞楊子權
江風吹徹楚人歌相如諭蜀詞何壯軍正行誅法豈苛
更有蠻荒思舊蹟勞君談笑解兵戈

客輿

笳聲幾載徹中原還買盧龍棄塞垣葱嶺但聞張博望
金城誰繼趙翁孫年年春柳丁男怨歲歲秋風甲士尊
車駕渭橋猶未幸何緣亭障弛關門

餘姚道中

越水千迴繞越山長江如練出山間舟迎遠樹群峰合
月到深秋流水閒斷岸老翁驅犢返前村野修趨潮還

憐余行役流連甚空使顛毛草草班

春日雜興二首

官舍晨開四望迷門前流水自東西不知春事蕭條去
惟見寒鴉早晚啼日落松門人語絕風生石竇野雲低
閒來煮笋消煩暘還到東床學祝鷄
蘭陵春水接樓船兩岸人家隔暮天季子祠前雲黯淡
春申城上草芊綿松筠嘗贈一亭綠魚鳥閒依半畝烟
不識桃源今在否可無消息到籬邊

哭先大夫六十韻

有序

不孝自嚴君逝後心志蕭索廢楮墨者數月季
春夢嚴君責不上誅不孝跪泣曰卑不誅尊古

也然不敢不黽拭淚為之逾時而就嗚呼身足
道嚴君萬一也

天使斯文喪人悲大道亾聖朝思碩輔當代痛元良德
並萃嵩峻名高日月光詞壇歸北斗學海老南陽七步
安能先三都未足揚譚經生錦繡揮塵出琳瑯瀛選先
英傑麟圖表殿廊七旬黃髮客五載紫薇郎嚴君筮仕
僅居任五
年宦况從閒局人情咲病坊菴林羞百草芸閣識孤芳
綾被空留月羅襦冷浸霜嚴君宮詞有秋風吹徹
紫羅襦之句蓋自况也承明
初屬稿待漏卽焚章避席登名士與賢報哲王壬辰禮
闈嚴君
為體中不預瓊林體中
是年成進士為各臣云懷來惟木簡歸去只縹囊宅與
西城近山臨北郭藏先生開鳳穴門弟集鱣堂樹作龍

鱗老人含鷄舌香

時何喬菴以尚書
郎授經門下云

翼經垂百代撰史

豈三長但止明吾道何妨任世狂明君懷北海恩綽起

南荒進秩崇三老陳言矢一匡

嚴君于天啓癸亥晉宮
諭上八因陳時政疏

微臣五品祿天子萬年觴致仕無文繡終身著浣裳衡

山何鬱鬱泌水日洋洋樂道寬適軸長吟響汶篁萱花

歡解佩裳萼咲分行

嚴君事程太夫人無異孫夫人
事三兄撫一弟怡怡肅肅兼之雌

伏炊屢屢睢鳴起鳳凰恤孤高誼烈

仲父叔父之藐諸
孤皆嚴君訓之育

濟處重恩彰

予堂兄有麗人大不得志于
其內將圖焉嚴君活而嫁之

聖代群

龍首明時孤鶚翔四知存獨戒百歲守如常筆彩雖生

楮書塵欲滿床責躬惟有厚作法必於涼壁立栖風雨

田穉鮮稻糧長年甘窶乏終日看滄桑憶昔辭丹陛翮

然駕彩航同安山似黛楊子水如湯歲月五湖內春秋
 九子傍龍眠烹石髓牛渚贈松肪紫氣連關赤青泥映
 洞蒼天都餐玉粒至人隱于新安天都山嚴君問道焉地肺沃瓊漿五石
 樽隨運雙丸劍有鉞蓬萊九轉藥山海二升鎬還取無
 生訣冥茲久視方因心眼何白隨指葉皆黃氎字消名
 相花雲接混沚蓮臺安所事火宅是何鄉獅子三千座
 維摩十尺房諦觀身若幻寧必老能康嚴君對佛祝死故云浩劫
 根塵盡多生法蔭張一門三教攝嚴君有宗一論合三于一獨體萬
 緣忘川瀆爭歸海庭楹忽萎梁塗人知歎惜後學共傍
 徨繼述無賢嗣聲施啓後昌不能新紫綬空守敝青緇
 續史難勝任傳經竊自量鵬搏培羽翼鵬息轉滄浪嚴君

自卜宅安于周山命其形曰鵬池歸焉東南之水為滄浪空嘆非騏足何時借馬當
 白雲看日青黃橘適心傷難譜千秋業徒餘百結腸况
 當離亂日淚血永相將

夏日滕伯倫明府招飲水閣值校書顧眉生李冷
 香過訪其所權馬雲中同方密之劉阮仙賦三
 十韻

我見秦淮小閣傍錦衣日日擁紅粧初時凝就秋前水
 取次平分月下霜鸞管遙吹雲乍起鴟絃初拂夜逾涼
 纖纖不折園中柳皎皎還凌陌上桑豈有彩鈿侵綠鬢
 何須紫珥映清揚弓鞋初製蓮花窄圍帶斜牽荇藻長
 小子周郎來建業先生楮氏貴平康僑居買得黃金屋

名士都歸白玉堂，號國專房元不妬。趙家並蒂且相將，
輕紈摠領三珠秀。錦障渾飄十里香，鷗自忘機隨上下。
鷓如相探在中央，花前羅綺明當戶。墟畔風濤響曲廊，
酒政特司飛妬令。談鋒申禁括空囊，雙卮既醉堪封伯。
九畹頻揮可薦王，夏屋秋初歌子夜。後庭陳亦笑前梁，
鷓鴣未聽愁鴟鴞。鸚鵡能言想鳳凰，三五抱琴君莫後。
十千沽酒我先狂，使君偶入羅浮夢。國士誰分綺里光，
未必無心開小社。何曾有意傍高唐，洛陽年少詠諧甚。
鄴下才名筆墨良，狗監人來依二妙。鷄關客到亦千觴，
往來橋上懷司馬。出入河中爲寄鮐，淝水八千難共語。
柯亭十六孰能商，雜言紙上悲寥落。大嘯軒前獨忼慷，

金盡不差人稍去，榻陳豈厭徑全荒。綠珠當日陪中饋，
紅線於今在後房。小琬祿豐猶衣白，大哥髯美不鬚黃。
鳴琴別舍留藜火，篆鶴空階減俸糧。伎館暫將開冷眼，
詞壇竊笑當羶塲。五湖知載多情在，猶自依依戀帝鄉。
古意

未向湖邊采白蘋，流黃難識認難真。不須更覩春風面，
知是秦川織錦人。

出塞曲二首

邊月明明照大營，音書又斷白羊城。遼東小婦吹羌笛，
不比尋常出塞聲。

誰在陰山雪裡行，窟中飲馬又長征。不知飛將何名姓，

曾破烏桓到柳城

王大初

字以介一字定爾號願五順治丁亥進士授翰林院庶吉士辛卯升國史院編修癸巳以內外互用候外補辛丑補江西右叅政督糧道乙巳以尾漕愆期鐫級公為文不脫稿有斐其辭方文孝公賞識之稱入室弟子歲稔家貧傳經以供其養官詞苑杜門讀書耻與時流奔競即燕遊不一赴也督漕江右前政率畏途視之公下車悉罷苛細爬垢剔蠹一時急公恐後有倪內史爭挽牛車之風公餘課藝被其鑑許獲雋秋闈者二十餘人歸隱西園託寄觴咏于里中吏治得失民生利弊備侃直言不避嫌怨邑人德之所著有懷堂集駢駢草西園雜錄學者私謚文靜先生

曉行

夕見明月生曉見明月落夜夜寄鄉思宛轉照簾薄老親當簾立太息何寂寞去年哭予季痛絕驚成瘧少婦與孤孫凍餒將誰託滿眼看予仲多疾體復弱出入必

我咨龕知温清恪富貴非吾願長年事緯絡母子永相依三公良不若一朝告親去倉皇走京洛海內盡烽烟遙知風土惡旅次費金錢高朋誰與約交謫棄弗顧兩子曠所學童僕恣嘻嘻老身難勉作出門悔汝聽還期杳難度展轉為倚閭憔悴中如灼我心非木石念此動魂魄不嘗陟屺苦安知懷橘樂西路幸安行遠音煩南鵲何當遇子喬頓解利名縛歸來拋書幌獨采西山藥

南奔

人皆愛安居我獨一再出前年衝雪霜今年曝烈日問余何勞勞聲哽氣鬱壹有子年十五英英非凡質記誦博群書偶對習聲律窮日耽鉤纂下筆稱踈密數月不

前甲辰年四月
得見一朝化異物玉折蘭蕙推何以慰遶鄰倚閭臣有
母主聖遂陳乞富貴本浮雲溫清飴如蜜侍膳無珍
羞持獻或棗栗歡語念平生嘻笑散愁疾長此晨以昏
安事祿與秩一爲世俗牽母子永相失不孝罪可誅拊
心毛骨慄出門顏未衰此訃疑非實家書豈寐語默數
已終七僮僕強寬譬鳩燕助啾唧創鉅淒肝脾骨立忘
參朮晨起促歸裝長塗倦呵叱侯吏識姓名往來何倏
忽不料北復南焉知凶與吉計程隔大河到門畏入室
帷空餘卮匱音容仍髣髴屈指九年間骨肉喪將畢吾
妻方踰笄遺我匣中櫛吾弟纔壯年速朽豈好佚吾父
良厚施賚志老蓬華一身逢百憂吞聲安能述吾母今

又逝吾兒永相暱死者如有知悲風動蕭瑟福極天命
之彭殤誰能一哀來發長嘔縱橫淚盈帙

獨坐

昔人臥東籬車馬不敢窺誰將陶潛意長安乃行之將
軍多揖客廐馬無停期闌人竭紙墨從徒忍渴饑一日
少倦厭罪積如須彌而我獨安坐欲適罕所宜伊人數
不值歸來空躑躅羸馬慚芻粟僕從恣嬉嬉迂性久共
識無復鳳題楹益以遂嬾拙掩卷獨支頤媿非簪纓侶
依然麋鹿姿歸問隱君子能無忤俗嗤

偶成

夕掩繩樞扉朝躋端明殿我昔曾羨之今人亦我羨默

念額膺間誰從分貴賤旁睨夏畦人勞逸等相煎搏風
與失浪由來須臾變石暈木生癭取妍均非善有黨必
有讐無的白無箭卓哉魯連子眼光爛如電

過東湖雪鴻菴同陳伯璣吳縹霜聽朱子石彈琴
衆鳥喧簷楹晴曦逗前淑東西湖之瀆唳唳雜鷗鷺出
門逢二妙扶筇共散步劇談今與昔無懷見平素俯仰
緬先哲蘇卿如復晤有琴挂虛壁客思聊可訢幽蘭萎
空谷饑怒動遐慕夕陽忽在山紫綠相奔赴漁唱動晚
霞短笛送孤鶩世態幻蒼狗靜觀饒逸趣坐久不欲歸
嬾殘進燒芋樂此竟日閒天涯幾萍聚

擬古贈李其麈

深閨八九女三五同筐篋及笄各有適靚粧何楚楚珠
帔耀金門舞袖飄雲舉經年罕相見懷人如羈旅一朝
聚華堂喁喁共爾汝此樂不可極此日不我與出門東
西去幽情鬱誰語皓月逗園亭涼風散禾黍

讀張公儀五列泉志賦以慰之

北地有佳人淚灑長安路行道暫借問掩袂不能訴昔
時雙拱璧今爲草頭露昔時雙鴛鴦今作孤飛鶩悠悠
我心憂羞學邯鄲步再逢東隣女懽然相煦燠結交莫
言新被衣亦愛故玉堦空復清荆扉慎調護

南歸道中述所見

北走畏風霜南還當盛夏昔年苦戰爭頻歲豐禾稼綠

音目
畝勸流移積逋獨大赦烟村挂酒帘頽壁添茅舍麥稞
半登場瓜藤已滿架園肥繁棗杏女情空桑柘傳舍輪
蹄頻成樓鈴柝罷人貧漸樂生穀賤無虞詐海內崩離
久樂此風景乍壯士好詩書健兒疲騎射民氣一朝靜
鼓車安所駕掃軒環竹柏鵬詠永秋夜

閔澇

從王莊舟抵臨淮水
浸其堞感之而作

翹首江南路到來轉趨起北路數見雨南方盡成滯汨
汨泥淖中僕馬各徐徐前驅去忽返不辨川與墟舍車
招舟子風逆吹我裾川陸路俱窮無計遂歸與閒步問
野老未語先歛歎沿淮數萬家水夜入其廬號呼震城
郭倏忽迷所如晨興炊烟斷周視浸里問老幼百千口

如泛秋殘藁偶得挂木末力盡氣微噓高下種二麥辛
苦事犁鋤程程登場圃洪波蕩無餘鷄犬走屋上欲費
無薪樗生不逢堯天化爲蛇龍居雨止水自溢大陸舟
爲車往問垂白叟百年曾見諸天豈厭人滿用力殫爲
魚子聞三太息搔首空躊躇東南饒物產財賦實京儲
河伯沼以去半壁遂空虛深宮自高拱幽隱誰能攄從
古監門圖遠過封禪書寄言采風者目擊豈異乎

遊齊雲山

我聞黃山勝道阻苦炎熇白岳差不遠終日風雨數及
此朝霞明扁舟繫其麓遙望杳靄間相戒徐舉足天門
一株楠靈異聞夜哭絕壁千萬仞珠泉挂飛瀑遶巖出

山前爐峰立如鵠左鐘與右鼓翠屏橫裊褥日入林壑
曠倦遊各求宿山鳥呼客起樹杪散朝旭披衣俯危檻
千巖紛紅綠崔巍殿閣開碧瓦映金屋中有銜泥像諦
觀須然燭整衣下階拜聖朝孰敢黷壯偉帝王居九龍
擁鳳輶蜿蜒從西來五老峰峰矗洞有羅漢影隱隱十
八簇龜蛇寶劍杵獅象橐駝伏天鏿與神鏤摹肖何其
酷紆迴過洞天繞砌千竿竹入門禮真人百歲臥寒谷
一泉殊清濁方圓佈一六石床滑以溫仙骨尚餘肉二
三學道人揮塵鮮塵俗開窓寫黃庭倒鑪煮白茯苓我
世中人此生無此福出門仍徙倚松風吹謾謾妙技有
同侶剝啄終一局丁丁雜泉溜飄飄蠲煩溽仰笑招笙

鶴拍手謝蠻觸興盡揖山靈穿磴驚麋鹿回望烟嵐合
白雲自相逐

中秋日寄子姪

初經大梁道鷄鳴戒僮僕涼颼襲輕裾落月照晨沐盤
餐苦麤糲放筋忍虛腹不諳行路難豈知安居福離家
一月餘愁腸九回曲雖無五車書要使十年讀父師浸
以疎嬉遊誰汝督業精惟在勤技巧莫如熟此道忌鹵
莽功深氣自足百鍊光燄生萬丈驚人目但覺修乃來
曾不見可欲每嘆紈袴子癡頑饜梁肉良馬怒鞭影轅
駒空躑躅賦質有柔強得心無遲速盡人從寬假子姪
必嚴酷至哉汝祖言念之堪痛哭若輩苟不材予罪何

可贖

贈汪山甫

治裝事遠征旦朝來老友劇談雜今昔有懷難出口流
離已十年俯仰無一畝回憶篝燈時視子滋顏厚昨夢
君先子延予坐南牖勗以當早達老人能見否起立謝
慙慙自嘆時不偶夢覺增愧恨莊蝶竟何有嫫母與西
施易飾無妍醜破壁會有時伏櫪慎勿苟荆玉世所希
可寶在未剖

已卯讀書秋浦遇杉山僧默然似學道者月夕輒
訪之今復遇于新安渡口勞問欣然不覺十有
三年之隔也

江干愁溽暑茅庵風颭颭逢僧杉山來對月話半榻一
別遂至今彈指十三臘赤足汲溪水烈日披破衲行人
何必爾俛視笑不答相期卒不見孤坐空於邑

宿良鄉

驅馳一月餘明朝肩可息迢迢故園心悄悄風霜色入
門簡輕裝無喪若有得隣叟相問勞三年只瞬息薪木
幸無恙舉觴謝卿力始至不成眠笳吹來城北

江南行

水堅岸坼河浩浩我亂河流淨如掃蒼涼古道少人居
狐兔白日走衰艸幾年兵火滿皇州太息勿復譚天寶
衝寒帶月多苦顏舉頭忽見江南山山前蒼松翠欲滴

山上白雲自往還山深常有隱君子吸露餐霞躡躋攀
再四招手不肯出寒烟霜葉掩柴關君不見嚴君平垂
簾賣卜不知名又不見嚴子陵咄咄堅卧呼不磨吁嗟
乎古賢歛竒歷落多如此余欲箕踞笑傲柴桑里

鄴川行

大河南北渺茫茫斷烟野水何蒼涼鄴城百二屹金湯
巨室大賈皆多藏雕甍畫棟爛生光闐闐贅聚無空房
前阻黃河浩漭決北有漳水環其傍客至蘭膏耀華堂
上下今古生悲傷孟德當年雄莫當布魯紹述空猖狂
功成銅雀俯清漳蛾眉宛轉聲激揚陳思負才工文章
中郎篡獻比虞唐倏忽懿炎起蕭牆西陵拱水無人望

昨夜西賊百萬疆縱橫燕秦無深隍孤城得全迎壺漿
蚩蚩安知綱與常瀕年山左滋跳踉塗公一騎遭屠腸
丈夫報國裏沙場挫威失計憂廟廊感時賈生太息長
補牢應須及匹羊遠謀肉食誰能藏客去欹枕獨徬徨

放歌行贈吳于廷

吳子之筆大如椽潑墨倒峽輒數千猿臂將軍常退舍
如予偶著祖生鞭君家虛來子遠別號萬人敵如君登壇詎
不然君才過我且十倍追風歷塊何翩翩燕市對月時
相憶此夕搔首不能眠君莫彈鋏歌無魚子雲深湛但
著書青藜光怪貫霄漢南山桂叢難久居

放歌行贈陳季白

君年三十尚不偶天之待君非不厚伏獵伴食古所嗤
黃口乳臭徒增醜纖條頑艷無竒姿夕悴朝榮胡能久
神鼎自有百鍊剛劍成精鉞耀星斗丹巖鬱鬱千尋幹
號風噴雪蛟龍吼古人致身不厭遲今人欲速惟恐後
逐隊如予已後人枵腹內愧空無有鹵莽故業悔少年
典冊茫然十八九及今欲學心已衰况多外營掣其肘
神疑慮靜時又暇獨有埋頭對窓牖寢處萬卷餐百家
縱橫掀翻舊窠臼摧銳攻堅戰方酣得意欣然命尊酒
才老入世應無窮中有至樂各復壽俗趨俯仰等浮雲
古學淡泊垂不朽吁嗟乎君子常患三不幸此道未可
悠悠憑多口

寄贈吳來章

山居之樂不可窮况乃偃仰浮丘東浮丘有巖三十六
神鏤巧琢極天工蒼巖曉夕態百變往往雲霞吐其中
飛仙過之不能去人間亦有蓬萊宮君懷瀟灑出塵表
萬事一笑浮雲空買田築室山之麓欲使坐卧食青濛
君能愛山山愈好巖花笑與幽人通有時携酒臨白石
有時把釣追清風有時醉卧松竹下山月送我歸簾櫳
羨君適志遂能爾浮丘何殊龍井冲唐西獨省有家法

安知萬鎰與三公

蓮舟先生習靜龍井冲山房各唐西自號獨省翁

元夕宿胡家庄

蒼涼風火後疲馬憩空廊粟粥充精飯羊燈市短墻酒

音賦風雅卷四十六
微霜到枕夢斷月窺牀客路方迢遞翻愁訊故鄉

西園

咫尺城西側地偏人意遐鶴閒能伏子蘭靜自開花石
磴清泉遶茅簷翠竹遮遽然午夢熟不到五侯家

廣陵別吳至之

毘陵燒燭夜如對冶城秋遲我陳蕃榻分君范叔裘孤
裝淹改歲迂道遶中州花事春郊好耽書不下樓

聞蟬

紫陌喧塵久空階乍聽蟬淒清殘照外斷續早秋前稚
子經年別高堂計日憐殷勤青嶂月夜夜到桐川

暮宿儀溝

貴賤皆辛苦群趨莫敢違夕陽人影急遠道馬聲饑紅
葉懷山果黃塵染客衣雲間新雁過逐我夢南飛

上谷道中念以存弟

忽憶篝燈夜潛然感春鴿壯懷空碌碌短髮已星星生
計惟三畝遺書各一經怪來刪杖杜知我不能聽

遊鄒園

玄徑遊筇續因須二妙來沿流惟絕巘穿磴得高臺古
柏根全出寒梅萼半開憑欄清話久微雨過蒼苔

過福緣庵

斜日隱高岑踈鐘出北林此生居士相多劫比丘心已
破還鄉夢兼期入洛音歸程先雁度一葉定重尋

朝出

初日生東嶺賢愚各有營柴車橫巷陌金轡耀都城驛
路征塵暗江干風浪生故園堪散髮因識古人情

除夜泊舟梁溪喜余石臣李尹清同飲是日立春
盈盈碧水錫山濱臘盡偏爭一日春美酒吳歌來好友
寒燈曉夢戀衰親却看古寺回春草共羨漁舟膾紫鱗
遙憶山樓同醉者無邊心事寄梅顰

喜吳虛來年兄自德水柬寄

聞君半道寄書來急取來書久不開兩地愁心纔數語
三秋別淚已盈腮西園空老無家客東郡徒勞作賦才
回首毘陵疑似夢驅車應悔到金臺

別鐵山宗丈

對酒悲歌興不窮滄桑滿眼任飄蓬只知鶴隴需弘景
休問龍圖少潞公五夜愁生燕市月三春人醉廣陵風
臨岐盡有仙舟羨冉冉霜花萬壑中

重九送施愚山門兄使粵西

飲馬金橋落日斜故園回首已天涯莫思舊侶登高處
幸有良朋醉菊花秋老半山霏白雪人憐萬里賦皇華
此生離合渾無定望斷終南嶺樹遮

西苑觀獵應制

西苑朝來紫氣橫並宣將相出龍城營開細柳驅三面
賦獻長楊壓兩京御仗遙隨春霧合歸鞍競逐晚霞明

侍臣共上升恒頌喜見銀河淨洗兵

喜徐逸上夜至

經年不作端明夢深夜忽傳星使來
燒燭捉衣冠復側臨堦把臂笑還猜
人間石閣長相憶馬踏金橋幾度回
莫道駢駢凌曉發明朝且醉草堂杯

送郭臥侯之安定

一帆東下訪林宗最喜燕臺數過從
餘子翩翩誇倚馬使君落落到盤龍
彈箏峽暮春泉迅振履堆前夏雪封
西顧一時聊借箸相期長樂候晨鐘

懷吳子遠

尋常贈客無佳句獨有思君走筆真
但爲愁腸舒慘澹

豈從詩律闕清新少年豪放仍如故
當代循良第幾人安得一罇同嘯詠
西湖招我醉青春

過齊山堤

猶記當年宛在亭于今秋水正盈盈
湖堤只畫蘓公像自古誰曾浪得名

繡毬

離騷點罷起徘徊且喜門無俗客來
的礫齋前千朶雪吾家只爲映書裁

卽事

屏花爛熳映簾帷柳絮輕盈入墨池
白日却嫌容易晚只看數首杜陵詩

秋浦署中

主人一去燕巢空有客重過似夢中獨立北窓何所思
引息吾樂打簾櫳



龍眠風雅卷四十七目錄

木厓潘 江蜀藻輯

繁昌魏康孫紹聞 叅

同里姚士重勃少

齊登元 五首

倪士騏 十三首

高文光 十九首

唐時謨 十首

王嘉之 六首

陳垣 十六首

馬懋德 三首

胡如珪 九首

潘士璜 二首

臧天格 一首

倪天樞 一首

方啟曾 十八首

齊永繩 一首

倪天弼 三首

高拱斗 三首

錢克恭 三首

吳德音 一首

戴耆暎 一首

何應珏 二十一首

龍眠風雅卷四十七

木厓潘 江蜀藻輯

齊登元

字君前天啟間諸生少而篤志問學博通墳素貫穿經史諳曉掌故雅志經世適川之業士大夫多延主家塾誨其子弟屢困于鄉舉猶以經學為大師子兄弟弱冠時曾受詩先生之門每携一義輒譽揚不吝口說挾兔園冊授縱陽市非馴僧咸知嚮往間為人草祝釐哀誄之辭購請噴咽聊佐束修而已先生志節耿亮雖遊荐紳間嶽嶽不少阿其行誼亦傑然獨行之儔也

故鄉思

春風吹客衣春花發高樹陌上有紅粧行行不復顧遊子久飄零等彼狂飈絮出亦無所之入亦無所附遙望桐山雲山雲千里路有友不可招雙鯉空將去有家不可問孤夢忽相遇蕭條發長嘆展書生憂趣起向閒亭

中悠悠成獨步

漂母祠

漢公未馬上非用王孫時壯士寧無日斯人賞獨奇識
先蕭相國膽壓魏無知今日淮陰道江濱也斷炊

郵事

楚水吳江十日潮旌旄百道翳雲霄飛鴻失路淒中澤
司馬連營護小喬橐滿金錢軍色壯野無烟火哭聲遙
可憐冠帶繁華地不見男兒挽佩刀

送呂子方孝廉還里

送君歸去我還留西望家鄉幾度秋白下文章纔五月
建陵山水又孤舟客中市酒須停權霜露衝寒細補裘

寄語堂前雙白鬢頻年遊子思悠悠

祝何相國

什氣寵從滿帝京中盤天竺古先生虞淵日返梁公子
沙塞人傳司馬名靜裏著書酬歲月閒中訪道謝經營
只今天子崇夏老可任東山學耦耕

倪士騏

字君夷萬曆末諸生自髻鬣至白頭治博士

制義遇其愜意處張目旁眉高咏朗哦聲中節族
謬謂予可教折輩行與交曾與予同舟應舉白下
每日暮艤舟立舵樓上誦其文倚篷扣舷琅琅然
夏玉鏘金隣舟人皆相視愕駭掉先生自若也
順治末猶逐隊與一遇老為學宮弟子手把一帙
寒暑弗輟遭亂播遷必挾行卷以隨其攻苦不懈
如此先生以二月十五花朝日生白號蝶長詩非
其所長然與到筆隨亦有可采者其制義則會文
切理居然濂
洛之功臣也

張戾蒞桐歌

桐溪清且漣膏雨隨車注桑梓依然綠子弟拋我太水
蛙上街鼓衙屋蛛網護父老五七人杖出草間路匍匐
跼階前腰卷語難吐捉衿戴破帽期期衷腸訴羣盜八
九年辛苦防守固朝出不夜歸雨雪孰敢惡巨室徙金
陵挾貲不我顧賊太太還來無襦况有袴連歲復旱荒
蝗虫苦難捕厲鬼疫爲災餓骨半亾故府帖夏下縣胥
吏催租賦瘵寡守空房孤獨仰天呼賊勢逼臨城生死
誰寐寤蟠據各徂春鳥雀空巢怖枵腹拚一戰生命如
朝露死尸空自僵腥穢天地怒軍門馳羽檄官兵蜂蟻
聚高卧日椎牛掠奪疇可還白晝挺走人麩麥委鼠蠹

指揮倚兵符人民如急兔襁負散他鄉九閩渺莫赴鮒
魚老命傾須臾黃土付君戾銜命至王言大哉布此日
見甘棠召父忻再遇吞聲寂無言君戾淚如雨

同楊大蘭似登西山

獨坐西山下柴門靜日斜偶因紅葉落忽枉故人車心
事憐同病登臨趁晚霞相將窺物理莫漫付長嗟

夏日呂泉

讀書宜淨地况復有靈泉棲鳥窺人意溪聲送遠天桑
麻輪老圃穠裝信逢年說道升沉事冥心愧昔賢

新安冬日同許思旦暨臣北姪遊河西十寺

高閣臨河迥平沙鳥篆文塔幽無寂響僧靜有溪耘是

洞皆爲佛無山不染雲衆中成一憩坐久自忘羣

初春貽吳魯士

道氣趨庭得清詞妙齒裁老從伸欠後喜共笑言開郭
外新雲物尊前舊酒杯忘年今日事坐聽起春雷

鄧東之留飲

風日高秋勁盤餐出不虞舊交無淺意新賦屬愚夫白
髮蕭蕭在良朋歲歲俱如防騎馬滑拄杖或相扶

夏日復過葉以韜山莊留宿

平生耘植意復此飯胡麻驟雨溪虧路高齋天養花劇
談藏短劍小住樂山家半畝方塘下何年學種瓜

入山懷鄧毓之

身等飛蓬命自輕干戈阻絕見交情但將瘦骨攜妻子
始覺窮途仗友生滿谷白雲招隱遜岑樓朗月憶崢嶸
知君念我難爲別遙望山頭古木平

望梁山因憶舊遊

峭石嶙峋據上遊長江遙望控芳洲兩山對峙如天劃
萬派中分似練浮僧住洞天能壁立人過危磴有烟留
回思結伴登臨客雨散星零起夕愁

喜齊仲良維木歸自豫章

芳樹陰濃日正斜故人報到自天涯但將醒眼尋殘卷
忽得同心共晚霞亂世千人難乞食老年對友卽爲家
從今三徑差堪掃莫更遨遊泛客槎

夏日過李未盡園居時已膺保舉之典

就荒三徑事多違僻巷編籬自啟扉長夏閉門交總廢
清言高座世全稀自憐阮籍偏多哭見說淮陰不久饑
持釣擬將投老日坐看新燕掠漁磯

旅次寄內

昨年出門太穉子泣牽衣芳草依然綠狂夫猶未歸

過巖子陵釣臺

石自嗟峨水自通千秋人喜弔遺風漢家無數勳臣績

收入烟雲霧雨中

高文光 字右國一字綱生天啟中邑諸生賦性樸雅
恥事奔競為人詳視緩步面峻削骨立如不
勝衣因自號道臞好讀書汲古經奇孤情絕照迥
出流俗之表家貧授徒為生所至翕然師之其教

人子弟誦讀講貫日有程要制義務領異標新力
矯時文熱爛之習家于浮山之麓距于山莊一牛
鳴地予每以觀獲至其家衙門兩版松檜翳真
幽人之居也有酒德飲可一石文酒而外間一吟
咏不以示人自娛而已仲子華從子遊力學者古
有艾風手貽我遺稿一帙又為予言其舅氏王岐
逸盛有篇什亂中
散佚今不可得矣

古意

梅花香飛雪榴花紅飛血空房花不飛只解長閉妾妾
閉在空房夏長恨亦長時時兩行淚刻刻九迴腸同行
幾女輩無人解妾意小妹最知心知一不知二天兮父
母兮妾身命所為妾命既不薄胡為生此時

託菊

秋意滿苔蘚含情露中宿亭亭不數枝可以滌煩惡當

音韻通雅卷四十一
其吐英時值我告歸促西北佳人誰盈躬任採服村童
恣頑冥忍爲花神瀆護持託賴君昕夕一寓目幸留清
傲姿待陪秋士獨

哭孫坤動

吾孫乙巳生五月十又五值予年六二欣喜達肺腑直
方以大名字之坤動甫既取符吾齡兼用蘓子語生時
不數日便欲依祖母祖以孫爲茲孫以祖爲藪如影不
離形如卒不忒伍孫衣祖始衣孫哺祖始哺事事取孫
懽惟恐與之忤劬勞歷四年乃爲痘瘡苦初來甚平順
九日略淒楚越宿遂難救蘭荃竟摧腐孫生雖穉弱靈
慧家罕有念我世讀書得孫應復久况孫大言笑儼然

類高祖今春相孫昔亦與高同矩玉樹正英森倏忽遭
風雨魂兮何所之魄瘞西山土祖母泣成血予益悲門
戶思孫聲琅琅詩篇雜今古見神必參拜遇客躬僂僂
學僧頌誦經效劇亦屢舞應對無噤嚅笑罵隨喜怒造
化護犬豚英物獨先取我欲汝齊彭有言在宗譜

老女吟

入宮見妬出塞無媒父母生我何爲哉老女辛辛苦苦
說來人鬼蒼涼年年偷製嫁衣裳大寒龜圻剪刀不離
手盛暑汗漬機杆猶不斷流黃纖纖巧手勝針神如何
薄命不如人東家女兒髮如髡公子王孫百兩迎老女
生來髮覆地空鎖幽閨理雲髻西家女兒色黃鶯豪門

大族綵絲牽老女花貌姑射仙肌膚綽約亦徒然吁嗟
蕭艾敷榮摧蘭蕙莫耶不割鉛刀銳雷鳴瓦缶黃鍾瘞
老女不嫁無家計

寒食

寒食他鄉客今年亦偶然貧偏逢米貴老不斷書緣柳
外風吹雨河邊雪作烟關心存沒事遙在暮雲天

閩華兒所寄近作

文章三世舊膏火一身親努力承先志鞭心入古人不
妨山鬼泣要與謫仙隣莫學邯鄲步勞勞逐後塵

甲辰閏六月十七夜睡起

卧覺驚窓白開門步菊叢宿林無舊鵲吟砌有新蛩坐

久繁花靜心清一水空梧桐已落葉何處問金風

失題

兀坐茅齋似閉關不臨流水不登山厭看敗局爭牛李
喜誦新文役馬班日下風流驚日下雲間詞賦出雲間
論衡正欲留克秘攬太中郎恐未還

日暮草堂後望浮渡山

家近浮山不到山每瞻山色一開顏烟巒淡淡湖天外
雲樹蒼蒼鐘磬間退谷記文粗有致半窻詩句總無關
何年償盡平生債選勝閒中一筆刪

農歌

一時和唱後先齊來去苗田幾杖藜手快不遑輕按拍

響高常似疾驅犁
酬殘欲去憑
畊鳥聽倦
忘歸任
饁妻
日暮暫休
東作苦
傍簷猶有數聲低

雪徑

滕六山蹊寫篆文
高天寒雁一聲聞
驚回半夜風前凍
掃去明朝霽後雲
遙望千崑清有迹
不愁萬頃皓無分
剡溪且住王猷
擢爲可騎驢訪戴君

曉窓

下帷盡日不窺園
晨起凭軒望五原
浥露薔薇鮮可掬
籠烟楊柳翠難言
山排爽氣橫當牖
月挂餘暉倒射門
滿案縹緗猶睡眼
澆書淺酌莫傾尊

擬古

從未一交言
却如夜夜見
亦有情
好入翻猶不識面

中秋子夜始月二首

好月雲籠住
雲中祇自圓
恐傷遊子意
不忍到堦前
偏是雲難護
中宵始見圓
應憐人在客
爲一照窓前

夏日書懷

十杯五杯適趣長
睡短睡全神
隨意數篇詩
史信手幾
著楸枰

偶感

陶潛五斗猶辭去
王績三升亦強留
常恨魯元無醴設
穰生何事不歸休

齋前小橙樹枝頭戲綴黃花

小園橙樹綠枒黃菊粧成幾朵斜雖然不是同根蒂
猶勝隋家剪綵花

丙午秋仲偶作

平生面壁成何用此日敲門事已非桃葉渡頭終古月
任他斜轉石橋西

大孫坤動既天次孫坤至貌粗濁吾虞書種斷矣

歲餘頗好紙筆予大喜曰時所公一燈此其傳

乎

大孫頴斷小孫成外貌雖麤內性清把卷時來窻下立

伊啞也學老夫聲

唐時謨

字孟嘉崇禎初諸生時中外交訌兵餉兩匱雅欲及鋒而用盱衡抵掌討論古今成敗興

亡之故如數一二不得志于科舉則入膏油以自效史相國出鎮維揚辟為記室高文典冊咸取資焉又嘗佐孫餘菴司馬之幕蕭然布素無所干請士林重之有貴思堂詩集

夏日午睡

不作雲霄夢于今已有年卧山情覺穩嗽石志方堅毒
氣蒸空際微風到枕邊娑娑書在握目倦漸成眠

冬日歸舊山迂道過查林寺

踏濕尋歧路陰雲渡小橋待看山寺古偏訝野田遙倏
見林谿轉旋瞻棟宇高參天惟幾樹霜葉未全凋

秋山獨坐

北風吹鴈急山木帶秋容菊到寒方秀楓經霜自紅高
天連野淨林月蕩烟空骨月如相憶知予卧遠峰

東方仁植中丞

方叔今元老荆襄勒壯猷已酬麟閣志可任蠡湖遊秋
月頻移權春風好繫舟丹崑題徧處我正滯林丘

春日同李未盡郊行過五印寺

四野舒晴色尋芳結伴遊澹烟籠遠岫嫩草發荒丘
靜城花放泥香燕子收遠公新復社坐久欲淹留

客有詢予維揚舊事者答之

丞相新承詔元戎獨視師颺馳江失險電掣纛初移萬
馬屯雲暗千帆扼海遲爾時典書記秘密許誰知

舒山人爲予寫真

梅天膏雨綠陰濃饑雀巡簷鶴步風閉戶惟彈憂亂淚

倩人爲寫帶愁容衣冠敢自違新製兒輩還能識老翁
他日裝成示孫子先君遺像倘能同

送恭順侯吳實宰招撫粵東

營花百粵阻春風草檄臨軒策上公舌帶劍鋒如陸賈
談銷兵甲勝唐蒙循崖無復慈元殿到海惟逢賣藥翁
嶺外尚存銅柱在只今誰數伏波功

澱水署中次韻酬姚經三

荒城五載任淹留多謝居停解客愁羸老夷門難作監
憲貧環堵賴常調待酬知己終無術欲哺饑兒幸有秋
叢桂故園花正放君先歸控紫驂騮

澱署新涼

音用原牙
雲漫荒城秋自新
雨餘殘暑氣將馴
翻空燕去尋來路
依砌虫鳴近旅人
羅袖香飄初罷扇
天河影沒淡拖銀
颼颼涼夜驚鄉夢
好賦歸與守舊貧

王嘉之

字蓬山篤學惇行鄉里以長者目之著有長善堂詩稿

兀坐

朝朝惟兀坐問我欲何爲
林暗歸禽早山深得日遲苦
辛羞筆硯荏苒負鬚眉
痛飲牢騷甚狂呼不自持

贈劉起莘

江北風流少憐君負性孤
舉杯期待月逃酒便投壺
細水斜穿砌危峯半壓湖
吟成清嘯發自與俗情殊

咏梅

萬木蕭蕭落幽芳撲面來
知君多傲骨著意向南開

山館閒咏

落落行藏孤館瀟瀟風雨
三更多夢多醒旅思乍鳴乍
咽溪聲

自遣

入世方知逃世淺
定心不羨定居幽
異鄉有月長爲主
城市山林無兩秋

秋夜閒吟

一溪浪擁一溪岸
萬木聲高萬木秋
新月快來沉水底
遊雲好去卧山頭

陳垣

垣

字子垣崇禎初諸生性孝友淳雅好結納賢豪多長者之遊家貧喜蓄書窮日夕警勸以

侗儻才俊自命與予輩結文社同儕推為祭酒長身玉立和易近人然居恒責備行誼摩切疆直意所不許輒形于色雖責育弗能奪也既以家殖中圯從其友方還青遊雲中上谷間所著槐龍堂稿秦中吟皆孤憤不得志於時之所為作也以病歸里甫踰年而卒子垣于制義沾沾自喜草書學張芝得其筆意既壯始學詩亦不苟作晚生一子嫂夫人撫之未及成立而母又喪予與還青芥須各為詩哭之今其孤已生孫矣其足慰也友于地下否耶

泛舟遊石谷蘭若歸過金華寺

策馬出郡城漢江三里地畏暑須及晨及晨日已至舟小無戶牖竹箬連艖被此行耽遠眺跼踏亦何為船頭鋪片席少長任起睡無計却炎蒸張蓋庶少避順流不數畧舍楫復乘騎岡阜綴荻蘆不減江南意蘭若在山阿石谷古碑記余性喜談禪此會良不易惜也僧鄙陋

不能明大義林木陰交加山風當午熾司馬攜旨酒乘涼恣一醉日夕牛羊下再過金華寺洋川李吏部片簡
參無始及早看白骨令人起長喟身老逐飄蓬未割妻孥累

遊漢臺同方還青郡丞作

漢臺亭子三兩處傍隣民舍前官署老桂森森列數株榴花當夏紛堦除我偕方子遊其上漢江萬井雲蒼莽西者王居南者侯第宅無常任來往吁嗟乎此臺至今千餘年漢高先主幾流連拜將封侯畫疆土巍巍事業委荒烟韓葛諸公祇自悲勞勞雲棧亦奚為俯仰憑弔多騷客慷慨欷歔壁上詩寄語江南馮太守閣道七星

今何有此乃其一亦依稀憑君題榜在門首太守題其上曰閣道

巢鳥

一星
可怪漢中城頭鳥秋冬巢窠夏江湖或言夏至避炎熱
吾謂此鳥類雁奴春去秋來南北道間關寥落歷崎嶇
但能盡室從于役何似漢南作客孤作客孤傷懷抱露
冷草衰鳥知還行人獨坐悲秋早

冬懷

女兒纔五歲歲歲隔長途念父知留食迎兄慣引襦針
邊初試線掌上久名珠小弟學言語窓前阿姊呼

元宵

漢川燈火盛大半是兵家虎帳聽梅落龍樓看月華歌
兒爭勸酒鼓吏急催花旅館三更後驚鳥尚繞衙

哭左子忠司理

屈指君方壯傳聞恐未真兒孤扶櫬遠母老泣家貧舊
咏存私篋新詩寄故人遺文應可得仲季本敦倫

喜僕至

忽報奚僮至相逢正病餘菊華便望爾梅發始迎予况
瘁客中路殷勤囊底書平安今日到驚喜復欷歔

巳亥元日

浣手拭香烟平安祝遠天家貧求有歲客久媿添年漢
水今猶昨桐山出未還何堪新曆日數數輯成編

鄖陽清明

秦山自北盡楚水向南流芳草青荒岸疎楊綠古丘村
人競祭墓客子阻行舟兩度清明節家園未一遊

漢川

漢川環古渡斜日照孤城漲落水痕在蔬稀草色橫村
酤懷故國野老話前程頭上雲多黑來朝恐未晴

遊大乘禪院

小舟維漢口散步到招提編竹門長寂椿隄柳半齊誦
經聲亂鳥移蕙葉拖泥坐久清鐘歇烹茶進棗梨

憶石門

不到石門已四年萍蹤飄泊總徒然半山瀑布應如舊

滿架薔薇料勝前別日頭陀今漸老住時方丈已他遷
迢迢秦嶺思鄉夜安得松風一晝眠

立春

元日纔過春又來老梅苞萼傍墻隈官衙有興傳花綵
客舍無心問管灰盤出青青新剪菜堦鋪片片舊沈苔
居停此日黃柑酒昨夜曾經痛飲回

題鸚鵡祖師面壁處

大江迎面可參禪寂寂蒲團向壁邊行脚多年仍是業
拈花盡日亦爲顛空山片石容消受古樹層雲任轉旋
我欲皈依跌坐處清泉一勺至今傳

哭門人方公敏

別時爾我皆為客牢囑衙齋著作勤每悵南天無寄訊
誰知北道有凶聞觀扶野店澆邨酒路過荒郊哭草墳
地下若逢高與挺挺之遂高皆子門人俱以英才早夭竹林花萼好修文

潘大蜀藻以詩寄懷依韵和之

燕塞秦關俱遠道衝風冒雨拂征衣頗知作客方方苦
無奈居家事事違稚子關心頻墮淚故人分俸免調饑
多君雪後懷天未讀罷新詩興欲飛

馬懋德字爾常幼穎敏讀書過目成誦世父太僕六初公愛之每實筵必真座側俾咏詩歌以侑

浮白年十五即補博士弟子工趙文敏書法與同里齊維藩善嘗曰齊生摹帖纒一字便似古人予必二三字始似齊生過我遠矣又誦齊客夜人干里江樓月萬家之句自遜以為不及後齊登賢書官樞部遂疎音問曰大丈夫不能拾青紫自立功名徒與貴游往來適茲之惡耳既老猶授經盛唐

山詩酒自放門人劉鴻儀輩從之遊病足數年而卒有鈴山堂詩亦散亡不多見云

寄懷黃荻諸子

却憶王童子逢子指路岐解憐來客遠便引報君知榻
下傳柑夕筵開泛月溜祇今憐風好不忍負前期

夜思

欹窻高枕夢初闌不願聽鷄唱曉寒多病祇今憐皂帽
避人何處理黃冠繞林楓散霜千樹近浦沙明月一灘
回首十年無限事起來磯上把漁竿

感懷

只解臨安弄酒卮那期兵散廣陵時無人更上金城策
有客空歌玉壘詩片檄星馳何處駐孤帆雲捲復誰知

鍾山回首應猶近不到匡門大海涯

胡如珪

字子兌順治間貢生少賦敏悟氣岸高舉為文章驚才絕艷不屑寄人籬下嘗抗顏坐臯

比生徒如墻而進疏疑釋難說經罪罪莫不隨資

裁削各厭其求戶外之履相錯也授官浙江臨海令鋤豪強字弱小善政流聞以疾卒于官惜未大究其用焉

望燕然

策馬燕然下長歌弔昔賢亂雲中出岫百里外無烟石

豈武功著山因文字傳班家好兄弟強半出關前

韓信談兵處

漢代一人傑千秋兩婦奇飯君淮水日給爾未央時總

為多多善還看將將誰當時兵汰在談罷竟誰知

初抵上谷飲還青方二署中讀出塞吟漫賦

相思不見各潛然得得相逢似昔年抵掌深諳官味冷

論心翻為故人憐春深不止堦前草夏到猶裝衣裏棉

自笑寒郊寒徹骨移來此地點寒烟

廡怨

一楹簾幕五更愁兩地搖搖未繫舟茂苑自憐常作客

玉關幾見即封侯鷹鞞就手知難脫兔窟何心好自謀

昨報東方千騎出思君早已到前頭

賦得御堤柳送周松崖侍御謫通海

御堤楊柳拂行旌折向天南贈遠征哀怨度聲羌笛管

春風吹絮漢家營烟眠上苑鶯啼合色暗高臺馬去輕

君到南中自留滯五株高卧絕逢迎

巴東道中

香魂吹轉杜鵑風嘆息離居憶斷蓬長峽獨逢梁苑在
遠峰思與故人同荒臺立馬愁神女亂淑流花下楚宮
夢裏一聲猿嘯落暗隨雲雨過巴東

叢臺

閉閣鐘情長綠苔蘭花蛺蝶使人哀瑤臺夢去隨朝雨
綺騎書回夢大雷折斷柳枝琴裏續落殘梅蕊笛中開
無人為返關山戍黃雀悲吟不可裁

簡長汪年兄以歸別之先一日買菊置舟中分韻

得時字

手插東籬未有期千錢買得慰相思香分艇子添秋色

話到花前正別時共擬幽蘭堪作佩却同芍藥喚將離
知君應是林間種不假遊人漫賦詩

虎丘吳翁素精岐黃之學今年七十葺菴山中以

掩骼為事長公乞言壽之爰贈一章

新翻貝葉舊青囊叩得空王即藥王女子知名逃不得
生公說法老難忘杏林香處通西竺祇樹林中護北邙
夜雨青燐無鬼泣可知生死仗慈航

潘士璜

字鳴璣號古巖順治己丑進士初授浙江東

陽知縣時寇氛未靖馬逢知移鎮金華防弁
為民患公力請當道連撤數員民以安枕居官踰
年囊無長物去之日至不能辦歸舟士民歛錢以

贈而後得行其
清貧可風也

過譚友夏里

十載憶寒河輕船望薜蘿變風當代尚大雅竟陵多颯
颯看蘆荻蕭蕭老艾荷嶽歸堂不遠烟雨咏相過

我眉接輿祠

天半饒尊宿清風揖楚狂蒸嘗冰雪淨廬舍薜蘿香大
澤歌聲斷高山鳳影荒為窮千仞羽一逕白雲長

臧天格

字壽平順治乙酉舉人少穎慧絕倫博聞默
識家貧至鬻衣以給餽粥負笈從師惟恐或
後甲乙之間與予輩僑寓白門為聞鷄之會日構
五莠壽平後至文不起草吮毫立就或難以再作
則更屬稿如是者至三至四燈地爐燼猶聞春蠶
食葉聲雖擊鉢刻燭之敏無以過也明日遇諸塗
則口誦同儕文某君某篇佳某篇某段更佳悉衝
口成誦一字不謬其疆記如此聞牘尤艷輕妍如
新桐引露嫩柳含風極為士林所傳誦丁亥下第
歸數月卒年二十有三壽平天姿通朗有兼人之
智使其加以鏤礪詩文皆未
易才也人不可以無年亮哉

漫題

花飛白雨柳條黃山色重重上夕陽春去春不解
愁心偏似柳絲長

倪天樞

字臣北號蒼坡順治癸巳歲貢崇禎末流賊
圍桐公建士守末議兩上防禦事宜悉為當
事採納迨學博崇明捐俸購學田值海上用兵率
士民協守外新橋營有固圉之功歿于官舍崇人
至今思之有怨齋集二
卷門入謚文毅先生

寄懷方爾止白下即送其授經淮南

江頭送客客心遠想到江頭花正飛鳩性久憐吾道拙
魚書近與故人稀不堪白鷺洲前別倘得雙龍橋上歸
滿地風烟何日靖望中春色淚沾衣

方啟曾

字聖羽號橘枰崇禎癸酉與先從祖次魯府
君結社中江狎主齊盟同學如汪應洛人文
龍混風淮卷四十七

范世鑑子明齊維藩价人趙相如又漢吳道凝至
之洪敏中慧生其錚錚者順治間以歲貢博于江
都領禮嚴重有胡湖州之遺教焉歸里卜居樅陽
與詩人衲子相往還少日無客至則步屣從之優
遊泉石餘二十年卒時八十
又二所著有振雅堂詩集

雨夜坐諷書懷

微膏續頽景危坐待華旦孤懷抱膝吟殘編足展玩難
字每相阻疑義如有畔室人進茗粥破倦鼓餘悍悠悠
夜何修徵息子方坐風雨變陽和淒涼增永嘆起步益
單衣漸覺晨雞亂

登城山感舊子三十年前讀書處

不為移文至攀臨動遠情少遊如夢路替我似前生雙
屐綠蘿捷單衣振策輕山靈相對寂猿鶴復何驚

王子湖雜咏二首

廡寄蘓門宅囊携工部詩窮途真仗友修屋喜留師深
柳圍書幌秋花綻竹籬豈圖顛沛際猶有笑歌時
廣陵東近海風草亂重圍子夜燐猶照空城雀頓稀居
官原是寄避地可如歸橘隱江天渺誰為假翼飛

贈李芥須四首時將之西江訪舊道經樅陽

不見李生久狂歌又十年鸚鵡曾幾醉鸚鵡更誰憐老
友亾龍戒亾友姚休那別署前身認馬遷餘膏霑被廣尚澀酒
家錢

不見李生久賢星偶應占跡疑儒俠併行是惠夷兼健
筆花常爛新詩律更嚴為予偏說項過量畧無嫌

不見李生久傳經古霍州調高千古雪題徧六城秋中
聖同徐邈連年下榻六州徐太史家談天奪魏牟龍眠歸未幾又泛
子猷舟

不見李生久頭顱亦漸霜依人寧減傲翫世總能狂長
缺又焉往扁舟何太忙江程風鶴警珍重賦滕王

與胡常之孝廉話舊卽送其還蘭溪

論交不比市朝新話到滄桑俱古人三肘豈妨懷舊寶
一官聊取置閒身同被短髮迎霜雪各敝初衣染劫塵
問道已經予較早首盤雖淡頗宜貧時常之亦乞就學博

河北旅懷雜咏

布袍終日犯風沙此度間關億轉加授粲雖逢賢地主

題詩空占老生涯一聲雲際嘹新雁三匝城頭繞暮鴉

秋盡河流知漸斂可容歸客借星槎

來從孫君則

青山山下有先廬峰靜溪深與世疎石屋時傳清磬響
草堂長共白雲居有孫足拭西河淚養母休資代舍魚
垂老出門無一可駐顏還讀養生書

樅川漫興雜咏四首

夾廟西頭傍古臺

卅年前從先君居廟後街射蛟臺下

先朝曾此咏南陔

蓼莪永結終天恨苜蓿空延暮景催亂後携家經十徙
天涯浪迹得重回一枝還向臺邊卜咫尺愁看舊草萊
承豐橋畔巷深深小築移家稍稱心背市市喧能不到

看山山近得閒尋有時寺閣邀僧話準提閣乘興書臺恣

獨吟山谷讀書臺不是老懷耽散誕秦灰漢劫幾銷沉

吾衰懶拙自謀疎乞老貧難越里居患氣所需惟枳木

徒行不可有籃輿幽尋慣飽田家飯借閱常窮市肆書

隔岸龍山青未了徘徊倚杖欲凌虛

歸休晚節合林泉今傍屠沽亦偶然布襪青鞵聊混俗

濁醪粗飯足餘年雙眸遙矚千秋上數齒連崩一月前

老去不知來日事鴻荒再闢豈無天

八十初度口號三首

回首從前判古今那期貧病復相尋多男翻遜榮期樂
何嶽能酬向子心偃卧隱蒲封徑久婆娑映柳讀書深

自慚碌碌年空長清淺蓬池幾陸沉

掌大雙丸去似馳殘生觸暑又當期園瓜始摘除青蒂

湖茶新牽剪碧絲金盡床頭惟枕易籤抽架上獨參醫

八箋浪說尊生訣雖老終非力可持

晨星落落故交殘一木孤撐風雅壇天未老文何敢死

老期間道強為懽龍鍾搖曳筇相傍鳳味研磨墨未乾

刪定平生詩萬首編年佇俟賞音看

齊永繩字惟木與兄永箕寧侯永裘仲冶俱蜚聲

序有珠樹之名內行肅雍規重矩疊鄉之稱家風者歸焉伯仲賚志早歿公亦偃蹇貧困以死李子士雅口授詩一首猶覺典刑在人未遠也

李士雅歸自粵東

嶺海遊人患難歸聲音雖是面龐非眼邊尚有桃花淚

身上俄被衲子衣爲說來明居貢水可憐炊白過彭磯
許多骨月蒼涼事鬼哭鶴鶴白晝飛

倪天弼

字右臣少參螺阜公之伯子順治間以歲貢
司教旌德衰衣升堂多士競奮年七十餘卒
于學宮詩文皆有
全集惜不多見

別門人王建希兄弟

授業烏衣巷雙珠數二王笙簫非絳帳絃誦有青箱花
萼家聲盛池塘詩思長預知三載後拭目看騰驤

贈洪浪上人

石幢曾有夢此日問津梁山色傳清淨溪聲出廣長枝
頭梅子熟窗外木樨香婚嫁何年畢同來禮覺王

贈韓爾侯

十畝閒閒水竹居高情真與市城疎幾年絳帳曾傳業
此日青藜獨著書澤羽久知山隱豹垂綸莫嘆食無魚
上林簪筆應相待落拓何妨賦子虛

高拱斗

字右箕別號皓叟郡諸生其自序宗譜云皓
叟平生無他長惟好讀書與人言孝弟而已

舟泊天壇

前帆時隱見空翠帶烟霏城郭人民是郊壇帝子非朔
風吹野火荒草照斜暉無復歌離黍低頭淚濕衣

南歸舟中遇雨同陳常于葉爾玉宋茂初姚駕侯
天涯蹭蹬不歸舟鎮日江干怨石尤典盡驪驪家萬里
夢遊蝴蝶夜三秋船頭問酒須謀醉橐底無錢祇買愁
倦倚篷窻趺坐久一聲孤雁思悠悠

錢克恭

字亦友崇禎中邑諸生少力學工制舉義詩古文皆為吾黨所推交遊悉名公鉅卿所至爭折節下之及門高足如何司空大瀛之子掇巍科躋中秘山以東稱錢夫子文章行誼弗去口里門後進賴其成就者又不可勝數晚為龔大宗伯重客將以明經貢禮部而卒以父墓前有雙峰因自號二峯居士云

重陽前二日夜汎西湖和張虞山韵

山晚湖天合秋高一雁聞月織西子黛風縐小姑裙酒

政中宵劇詩情向晚分烟光籠醉眼四望轉續紛

雨中汎湖

菊風香霧裏一櫂入雲天堞没千家雨山迷萬樹烟氤

氲連海市歌吹隱樓船安得閭公手還將清景傳

雨中登吳山眺錢塘江和許子位先輩韵

曲磴欽寄淞水濱驚濤猶撼越家軍人家近遠烟飛練
海口高低浪湧雲得意應傳洪谷畫臨風還憶聽潮文
客懷盪入空濛外欲挽江流洗俗紛

吳德音

字式昭原名德基字宜民予外祖鶴灘公之子三歲失怙育于嫡母張太君保抱調護倍至甫就外傳又喪母能自淬勵攻文史交有道廿四卽蜚騰菘苑旣稟邑庠將貢于禮部以功令停止不果康熙巳酉復俞舉行猶記歲暮時舅氏袖邸抄過予家欣欣色喜甫頌椒花旋歌薤露傷如之何予外祖恂恂若處子外祖母蠡斯衍後以報夫子而皆不得大年舅氏亦未及五十而歿天道其可問耶舅氏不求工聲律偶因吾母便道經過賦詩一首手足之誼老而彌篤可以風已

伯姊潘夫人每過方甥當時宅必經予家賦以言

懷

有姊行年將七十鶴髮蒼顏常嗚嗚予也少姊廿年餘

追攀亦覺老將及傷哉姊弟止兩人言念先人相對泣
老年同氣意更真姊氏有女居城闈吾姊愛男兼愛女
留居動輒經浹旬惟予世居新豐市來往何分暮與晨
期姊中道常相過家常一飯亦情親

戴耆晚

字曠中萬曆末諸生順治甲午例舉鄉進士未及期而歿公積囊弓裘早輩菟苑生平輕財好義喜急人之難或代友倍稱久莫能償鬻己產酬之甲戌民亂火及廬舍嗥以救焚為名掠其貲而去事定或諷之曰吾嘉其來之初意耳轉念固不足誅也其長厚如此

寄懷居停主人

聚首年餘忽別離淒淒落木使人悲曹公雲樹難分袂
董子春秋暫解帷風至常懷徐榻誼月明空動庾樓思
殷勤為問亭前柳似披襟坐話時

何應珏

字待卿號道岑方伯虛白公少子方伯服官清介諸子歲入纔足供體粥公削衣貶食蕭然寒素篤志綴學所為文皆粹然儒者之言崇禎壬午一擊副車不中順治戊子以選貢入對特授河南歸德府推官政尚廉平務公煩苛得大體時方急塞河之役民困于夫柳轉輸折放吏緣為奸公為酌遠近分多寡重困以紓當路知其才數尉薦之隨牒平進歷轉平涼郡丞無何遷黃州太守益尚寬簡與民休息黃稱大治會巴西啟戎軍書旁午公躬督夫役時其芻茭軍輸賴以無匱其得民者素也冠平方論功優叙以屬令逸盜連染被誣遂挂冠而歸公為人恬淡溫雅生平無疾言遽色自士大夫以及兒童厮役靡不推為盛德長者卒年六十有六學者私謚惠述先生君子以為直

雪堂雨中移竹

我來冰署中傍齋有茅屋幸無纖塵侵子姪携書讀開
徑必須深搯籬嫌其秃我向眾人謀何不種梅竹梅花
寒可耐竹葉色常綠不愧君子名可娛幽人目黑雲沉

西山霖雨沒東陸
起此陰雨中爰命土功築遂使雪堂
中蕭蕭成林谷坐此秀可餐
卧此色可掬但得常坐卧
何妨食無肉憶我南村莊
千竿何郁郁思彼凌霄節
應哂宦途俗幾時歸草堂
與此君共宿

晴川樓

日落漢陽暮秋出漢陽
早老樹敵嚴霜得得蔽秋草
千古此芳洲一望盡稿稿
豈知憑弔客對此傷懷抱
鸚鵡去不來鸚鵡名猶好
如何作賦人天地不能保
回首倚高樓黯黯向清昊

觀陳簡菴作大字歌

嗟乎陳子少年稱大儒
不願學劍願學書長匣短笈秘

奇帖信腕臨摹多絕殊
偶然看山渡楚水自攜妙筆松
花紙黃州作守愛風流
招到雪堂窮其技筆歌墨舞雲
霞生淋漓閃爍鬼神驚
有如公孫大娘之舞劍
有如將軍馬上之用兵
頃刻千紙追漢晉銜杯落拓忘霜鬢
爲言一路意氣豪驛樓野寺書題盡
君不見蔡氏八分稱奇絕
曾錄五經人動色又不見張君醉後草
聖傳髮濡墨濺王公前當代如子誠亦少
蹉跎莫便山中老今日有酒須共傾
明朝又逐春風道

故宮燕

楚王宮殿插天起
人蹤不到到燕子
燕子雙雙繞畫梁
飛來飛去帝子傍
春風柳絲巢無阻
秋雨花黃雛學語

雛學語成燕叮嚀年年巢向王宮營傍人爲賀燕有壘
豈知此燕不忘主無端戰鼓動地來回頭不見楚王臺
心傷寂寞誰能省到處呢喃呆愚冷穿簾度閣竟無歸
欲別徘徊盡日飛何堪此度秋風早過雁不來歸燕杳
獨此留連亦可憐羞整毛衣年復年多少主恩人不戀
愚莫愚于故宮燕

梁園眺雪

勝槩堪遊賞梁王舊築臺時雖夏漢魏人尚弔鄒枚不
減題詩興難逢作賦才乘閒憑眺望急雪點莓苔

秦川道中

十月秦川道陰雲四望遮霜寒嘶獵馬風急咽清笳河

水征人淚邊庭壯士家數聲天外雁一聽一回嗟

贈吳六翮明府

不盡干人意棲遲竟自忘官貧分祿厚客久餽廚香繞
樹喧鵙鵲臨風漾驪驢臘殘春又至歸夢正徬徨

飲新安曹冠五太守署中

東閣招賢地清風入午涼酒分松竹色雨洗杜蘅香急
管歌方勝鳴琴意更長陶然傾著述詩思正茫茫

登崆峒山

秋滿荒郊興可乘得邀雙屐躡高層殘碑委地理蒼蘚
老樹干霄抱綠藤烟暗遠邨天浩蕩葉遮深徑石峻嶒
簿書閒赴名山約觴咏風流愧未能

雪堂落成

一炬荒城草盡生回思遺構不勝情
喜成政績開新址爽近僧房榜舊名
自是閒庭冰似冷故教芳署雪爭清
空階寂寂容惆悵鳥鵲分飛月正明

坐竹樓

竹樓新葺老僧閒爲愛名幽一叩關
文尚勒碑堪共賞人都化鶴未飛還
堂虛雲起鐘聲靜池小風生草色斑
四顧蕭疎難極目汀洲自谷水潺湲

洗墨池步月

東坡遺跡

方池積墨本何心自謫黃州不廢吟
從古有才須見忌至今無客不來尋
樓前搖落南風勁城上橫斜北斗沉

獨愛清光猶在眼江聲渺渺樹森森

壽方縵山司徒二首

六朝松畔舊烏衣才子方干學少微
酒興尋常同賀監詩名七十是玄暉
雲開晝錦花光逼日映平泉草色圍
最喜秦淮歌管近曲終應奏鶴南飛
如絲霜鬢久忘機還憶江東塵尾揮
碁局到春隨步歇壺觴有興待吟歸
故園芳草牽愁夢洛社耆英想遜肥
往事卅年達路濶幾人同上釣魚磯

送黃岡尹徐亦史還吳門

欲覓扁舟向五湖幾年愁思託尊鱸
華編舊有詩餘體

徐以詩餘一編見贈

畫閣新成竹史圖

徐惠畫竹一幅

南國一棠猶蔽芾

東籬三徑豈荒蕪知君徐庾風流在那惜離筵醉百壺

別王蘄州

益州家望楚江濬善政多才意氣新桴鼓靜來車帶雨
海田耕後草生春七年知己憐同調十月清秋別故人
酒熟好從歸路醉看君曳履上楓宸

送別同寅張瑞騰還岐亭署

天涯星聚綺筵開路出旗亭首重回東閣梅花消息斷
西山兵火夢魂來去年與予同駐西山分理兵餉虛名久誤初衣賦時
望還推博物才舊蹟看君為第一五雲多處是蓬萊

再別瑞騰時亦將解黃州

連宵尊酒足清歡風雨論心別更難世事語君羞按劍

交情老我笑彈冠兩人懷抱一時見數載相思五夜看
好寄新詩同錦字衡陽莫待雁歸殘

宴席別王侯齋司理時同解任

幾年攜手看籬菊今日悲秋唱落梅遺愛尚存樵牧外
斯民無怨管絃開仲宣每咏登樓賦次道常傾釀酒杯
此別尺書容易寄無妨長嘯拂衣來

黃州候代郡伯羅梅居招飲

雪堂秋望五雲車此夕同心對月華秦楚山川連地脉

墳麓伯仲聚天涯

羅亦戊子同年為固原郡丞先後偕予領黃州

江流赤壁潮

歸海霜落梅花客憶家休悵相逢輕惜別故人清夢結
蒹葭

郝心型招飲

姑溪星燦碧雲邊
搖落蒹葭隱大賢
姓字久經題雁塔
功名猶自滯漁川
製來美錦人爭識
賦就凌雲世所傳
斗酒不辭今夜醉
草堂高咏百花箋

龍眠風雅卷四十八目錄

木厓潘 江蜀藻輯

茂苑章鏡開忠可

叅

同郡陳廷機襄雲

齊維藩

七十五首

齊

岳

三十九首

龍眠風雅卷四十八

木厓潘 江蜀藻輯

齊維藩

字价人號復齋崇禎壬午舉人順治初為吳縣學博與林雲鳳若撫葉襄聖野葦詩文唱酬名滿吳下稍遷國子監助教以兵部郎中出守浙江台州府城陷不知所終公于詩自漢魏及開元大曆靡不咀吸採擷而略其膚貌取其神理故能剪刻鮮淨陶寫清超不得以一家名之視世之如青媼白以儷花鬪葉為工者掉頭若免也所著燕吳近詠戊子巳丑詩刊行于世予更訪接其幸耶詩及人家統扇紙幘所見者增入十數首夫惟大雅卓爾不羣公足當之矣

懷叻荆

卿病十年來如賓相敬禮今年病益篤視卿如已死懷安實敗名卿能達大體謂我四方士勉旃行無止夫子廢蓼莪終天恨未已二人不得訣何勞訣床第感卿明

達言清淚如鹽水言此尚力疾今已識如是食貧罕如
意交謫良有以余槩不快意迴思何及悔劃粥登賢書
謬意溫飽始世變僅身免依舊勞十指病庭如柴立坐
起仗老婢不如瞑目安戀生祗自累今日溺儒冠計偕
匪得已猶爲炊屢屢猶爲望青紫聞卿含飯時遺囑無
一字應余不在目刳心空自毀余髮如雜霰余年過強
仕生事恨未了何念忘蒿里卿女猶未嫁卿無遺簪履
余但賣犬後詩書都付子薄續與桐棺幸尚在桑梓親
戚十九喪旅櫬正纍纍感彼朱百年絲溫慟心髓余家
世貧窶余終亦爾爾北邙鬼燈漆同穴當永矢蕭寺啜
寒更幽夢或相擬

舟雨新寒甚

北平氣候正江南秋熱長盛夏住北平初秋來故鄉所
以炎歊毒皮骨獨飽嘗今年金石流况予非方剛舟車
總負弩束帶汗如漿疲耗潦草睡魂夢不清涼舟泊婁
東河半夜師伯狂萬弩射潮頭奔雷捲滄浪聞聲肺已
清飄颻逼四船鷄鳴衝寒起顛倒披衣裳衣裳盡猶薄
擁被坐匡床床頭酒亦乏負背如水霜秋威攻無備今
始知金商時固不可恃雪山晞太陽男兒蹈水火鍊此
筋骨強不觀草色餒岸松疎彌蒼

訪子玉山莊紀事即贈

流水導予入一掉探深源平蕪空翠中白衣迎出門門

前無數山問名難具論
緝罷不移床且看花滿園
兩株杜鵑花丹葩耀晴軒
高出覆人頭艷奪絳桃繁
此種山中宜移來生不蕃
入宮益美富絕勝苧蘿村
少選燒高燭四壁若朝旭
清歌二美人聲從簾內出
高者繞梁塵卑者轉鳴玉
錚錚琵琶響悲壯絃柱促
坐忘丘壑中恍惚在金谷
誰能山水間清音兼絲竹
明朝歸吳趨定向交遊述
回首綠野鼓幽賞夢猶馥

時運五首

勞逸皆益人太過各有傷
少賤能鄙事身與勞相忘
耗磨豈有刑逝水同浪浪
亦讀導引書行之固不常
行之若有常神仙半炎方

生來各有質人事空爾
驚兔絲不自立苧蔴不相附
春蘭與秋菊雖護不成樹
修竹與林松攘剔歲復布
願養特小補順適齊大數

堅脆莫相笑修短不可度
嶧桐秋亦凋鐵栗冬亦落
枿欄葉疎軟苦竹榦虛弱
稜稜飽雪霜青青姿綽約
堅者不可恃或爲脆者噓

有懷先大人七十老益壯
性不廢咷笑初不談願養燈
下書蠅頭黥髮萊顛長意
可得耆願予三郎長往德氣
遜前人陟降將安仰

讀易教趨避玩占識否臧
真宰出所意君子道其常
叔夜學養生所患非陰陽
洗馬先過江櫻旣非帝鄉
愚夫

樂無知智士懼靡遑

詠報國寺寶殿前兩松

長安塵蒸如毒霧歇馬憩此松門涼根株短脰止三尺
橫枝展肱百丈長有如石壓笋斜出又似古藤拖枯椿
銀杈鏟脚勢鬱怒奔蛇走虺散八荒偃垂倒挂欲入地
秃梢蟠頂成大房連帷蔽日數十畝溜雨吼風千佛堂
我聞松根遇石成偃蓋此下地脉穿琳瑯其餘九龍興
大澤或爲雙柱撐穹蒼剛稜拗節自有致論奇難與兩
株方願隱于臍肩高頂壅腫拳曲皆精詳設想構畫不
到此天工鬼斧無餘藏都人下排五都市紗帽陸羽陳
茶坊譏諍黃鶴舞多亦侑酒爐頭辱殺文君當秦五大

夫應靈氣鬚張髮指招吾狂

寄謝劉上干

百六十三人同籍厚如爾我稱第一過毘入住爾書室
餐飯爲招父兄集猶子猶弟儼一家通融割贈皆用物
自燕之吳止一身呼船卽借君文隸使乎體旨絕殷勤
晨夜唯諾好飲食述君聞我得微官驚語家人喜動色
我聞斯語轉愧泣何當萬里共忻感江北江南久戎馬
廣文官署剩堵壁幸者猶知老鄭虔隻鷄尊酒時相恤
吁嗟吳中真福地虎丘石在周道側家家門巷上小舸
吳山萬點卧遊畢之子寧無剡溪興我能熟粳貯栢葉
迭爲賓主大被熱慰我悲秋迴頭白粉箋脆膩研冰雪

使乎汝研半楹墨此爲三郎作手卷墨飽怒汎神不竭
承許爲買玉鏡臺已拂鳳簫吹涼月醪醕十斛醅明德

鳥啼曲

天上凍雲飛不動衡門老樹多棲鳥不省朝飛向何處
知歸引類趨昏途飛啞啞聲相呼高者聳身直翅入雲
窩卑者斂翼蹬蹋掃荒蕪若乘焚輪風盤旋成圓珠可
羣亦可怨向背相差殊一株萬點暗如葉喬柯何擇多
偏枯翔不卽棲棲不定頡頏傾側無時無或如退飛之
六鷓或如對啼之鷓鴣或如鴈臣之更番或如鷺候之
延須或如義鶻行老拳巨額爭一枝或如孔雀東南來
雄喜高棲雌喜卑世人憎雅而愛鵲似此喧嘈亦不惡

暮啼夜色晨啼鐘連天澎湃潮聲落蕭齋不是御史府
地靜下民曷敢侮倏忽銜枝墮高空但聞翅響疑驟雨
滄涼涼日脚忙晝何短夜何長三匝穿寒月孤枝帶夕
陽紛紛傳雪意刺刺散晨霜齊色不交白頂亂慈鳥大
嘴同一行姑蘓臺上啼不住誰家織錦悲流黃

吳俗通

吳尚蠶繆尚績包山洞庭賣橘實人知此地稱歌舞誰
識家家務耕織晚收十月乃滌場小船銜尾穿河梁載
來都是長鎗米牙籌會計千斯倉釀秫大甕恣傾倒琥
珀殷紅映瑪瑙蘓州老酒不傷人蘓人但道錫泉好少
年花筆善爭時前輩優爲庾鮑詩安得盡如高季迪執

鞭之士吾爲之

清明

三年不斫鷹山柴迸空回首傷心懷新鬼夜呼故鬼語
年年雪窖填枯骸桐山萬壘抱城斜壺榼籃輿家復家
上冢頭園楊柳葉歸邨滿把杜鵑花去家千里就微祿
生者死者不在目冷節食寒河魚腹子身多病吞聲哭
學書學劍多不成江南江北方刀兵生逢馬上罵陸賈
誰望句裏詢韓翃鞦韆風鳶俱瑣瑣與我周旋寧作我
安得廣州鸞鴨金一續博士龍蛇火

快讀筠僑遊琴川題陳鴻文畫山水古詩

所寫新詩多不俗畫山水歌句句好君從琴川川上來

宜其冰雪淨懷抱我聞琴川七條水條條響奏成連旨
寒山鐘動霜天高蘓門嘯徹大風起知君於此得其真
開譚下筆皆有神蕩胸空曠幽寒意堪贈山水不贈人
詠詩想像畫中趣瀟湘風雨鄧林樹雲螺海氣濩千山
無天無地但烟霧近代吳門畫得傳倪雲林後沈石田
常嫌馬遠趙千里格子學問何寥寥董子胸中具丘壑
觀畫自寫隨手落潑墨雲吞五岳圖使我朗吟代行脚

探梅歌二首

山前山後俱梅花山下種花一萬家僧俗松篁相間處
觀之都若爲花助暮宿光福寺朝登泰玄墓往還數十
里總在衆香國裏住衆香國裏能醉人六根盡與花香

音耳屋牙卷四十八
鷺山寺無鷄鳥鵲傳鵲聲知是看花天今日往須攜酒
醴莫待花神責無禮

青山盡處太湖接湖光花光一片白混茫相耀未有涯
渾者湖面疎者花昨日花今日香寒英日炙爭芬芳早
梅逐雨化泥土晚梅次第熙太陽看花者誰子聽我歌
莫狂羅浮妖鬼殊渺茫遊人太盡花飛盡石苔松桂同
蒼蒼搏天瘦鶴時相望

古戰場

剛風捲乾沙上天成黃雲黃雲一千里不辨牛羊羣高
者風推沙爲山陷者風旋沙爲窟黃者蘆白者骨積者
骨飛者髮魂與魄先辭肉與骨復離惟餘楞楞數枯骸

雨打日炙洗出霜雪姿白日荒荒無人馬白骨起戴羈
髑語東華掖垣齒豁塲豈但暴雷子與汝卿宰逃回營
石槨天子桐棺薄如楮人憐白骨古戰場我看白骨分
河梁河梁上馬敢深入幾營全軍歸故鄉

鱗魚歌

吳江原與海通道吳門鮭魚來最早椒花未頌喫河鮑
楊花未盡鱗魚到鱗魚無毒更爲珍楞楞箭骨撐素鱗
霜刀寒照三尺雪水晶盤承一片銀石頭皖口皆有之
次第逆流上較遲居此一飯且不足浪說三鱸空爾爲
乞米誰作陶胡奴彈鋏不遇田公子此邦之人一錢不
相通侏儒慣笑東方饑欲死葉子聽我緩歌聲齊生不

羨五侯鯖海上六鰲釣不得絕望黃河水再清

九日

荒園不見菊花開叢桂未盡成莓苔細碎沉鬱香作室
五官不醉如中醅今日秋風天未來素雲白雁相徘徊
先生何事閉門坐天晴試一登崔嵬姑蘓萬家誰禁足
走鹿臺爲戲馬臺闔回大兵集城下虎丘吳山都放馬
中丞戴星辨豆莖府縣之官受鞭打坐床索酒望屋食
城外鷄犬有懼色遊女遶迴無氣力入門卸粧面淡墨
先生聞此空嘆息隔夜定計侵曉止臨河呼船船不得
中秋徐子邀靈岩風雨潑天難挂帆十七十八橋心月
但付蓉江波出沒何大山何小山山僧約我經柴關

無主人且須太此日此地誰能閒舟子趑趄不肯行挂
篙揺手畏大兵宣子杖頭原勉強止或尼之亦有名乃
知看山皆分定天時人事須相訂不飲甜斝午夢餘壁
間五岳圖佳勝

游女行

虎丘絃管無日夜虎丘游女無冬夏游人半爲女徘徊
幾個真爲看山來蟬衫麟帶鴉髻鞞我看山面人看我
瞳剪秋水誰家女堂上拜佛石上坐少不畏人兒女情
老不畏人頑可憎劍池水渾照不見黠頭石在呼不應
古來虎丘吳墓田近代虎丘大道邊自是大道有遷就
青山何事依人憐山鬼如不喜婦人驅而放之妬婦津

音耶屈牙卷四十一
津頭惡浪如有神西子無鹽總效顰門前芙蓉江水大
但容鴟夷舟一過蓮衣落盡澄如練照見桃葉手中扇

放歌行

身長八尺爲僕御不滿六尺坐車中侏儒囊粟飽欲死
東方儵然饑且窮校尉中人盡封拜將軍猿臂難侯封
其祖殺降爲恨事其孫以降殺其宗此中固自有天命
亦緣宿業相始終文不須記名武不須彎弓一朝黃金
高北斗自有衛青爲牧班超爲備不得爲鼠得則虎今
日檻獸昨日熊達哉孫登遂無怒何必白頭吟望哭秋
風

無花行

江南風雨催花早北平花遲風雨少與其無雨亦無花
豈若早花隨雨老王昌十五書堂新賦買長門空復春
雖然白頭吟望花朝頻猶勝昭君村中老女不嫁人

初度

吾生猶未老所歷
懶病虛長日危時賤大年新
恩百戰後舊夢五朝
樂憐兒女歡餘轉泫然

敕子秋試

獨子來秋試三秋伴未離須令病母見莫似老夫遲叩
馬投新語彈冠趨溺時科名炊汲具此意舉家知

賦得秋天不肯明

驟駟還驟覺一覺眼常開信是夜長甚將毋老態催晨

音賦風雅卷四十八
興仍兀坐偶夢卽歸來投子經霜葉應紅於鳳臺

桃溪卽事

楓橋橋作渡桃渡渡爲橋卽此已陵谷何須問市朝童
然鍾阜雪失信舜江湖滿目非疇昔餘生亦後彫

葺署落成宋轅文董玉虬韓孫鶴顧孝侯小集

葺署如營室寒氈願久留對花不謂寂有樹始聞秋好
友望衡宇園人送酒籌今朝來飲落橘袖暗香浮

安得

安得山中住爲生十畝桑停勻調寢食節嗇用年光土
屋朝暎暖陰棚六月涼庶幾學堯老想像已羲皇

僕至

芳草兩餘繁行囊肩到門幸憑家信至猶有故園存北
極傳烽接東鄉聚嘯喧三年親戚別題淚滿書痕

買山茶薔薇各色梅栽

割予三日酒贏得滿園華安插多依竹移來已帶花欵
墻眠綠萼拱戶立山茶種樹何須譜天全應自嘉

懷女

霧雨潑吳天晨興老淚懸遙憐無母女別在未歸前書
慰和琴瑟人迴寄木棉阿慈應宿草不省已三年

將夕

雲動雨霏霏荒林白板扉草花寒約住鶯鴨晚知歸酒
力徵衰至交情測道微浮沉生事老惆悵淚穿衣

鄧尉梅同公合遊

無地非梅樹籃輿到處收許多隨雨送一半爲寒留蒼
麥三春晦蘆花九月秋光香推獨勝烟雪共沉浮

喜李龍瞻老師從閩至吳

積雨半過春孤帆泊水濱八年萬里夢兩地再生人粗
糲闌干菑浮沉尺素鱗滄桑兼浪梗不語已酸辛

游女龍舟渡

今朝自起早不道嬾梳頭侍女瞻天喜諸姑勝日游出
城聞笑語入舫下簾鈎艷說歡娛地千艘集虎丘

惟直姪自金陵別余適閩亂後生還設帳六安今
來省余叙贈

汝來吾所願念汝自來難六月江千里三年話萬端問
兒知病愈計畝被兵殘此處饑疲等歛歛首宿盤
將獻歲諸咏三首

溪汲澆花得水微老人學息漢陰機江亭目送楊臨賀
客夢還家下令威千古自然蘭勝艾此生何問粟非薇
天寒淚盡燈前笑記取牛衣是故衣

婢言今日續朝炊正是先生祀歲時清磬聲從鄰舍借
新書臘告祖先知市衣色製爲緇衲侵鏡兒童鑷白髭
香到檻梅青到艸春光相耀在江湄

四十四年老角巾依然未有若公貧再休百草憂春雨
豈有殘花上好茵眼底癡頑馮可道夢中圖畫李公麟

團團且進椒盤酒香路金臺又問津

感懷三首

三冬枯木倚崑寒卽次焉知行路難無具可搜造物忌
將身直作古人觀欲留日月嚼龍骨誤讀詩書食馬肝
投子松柯浮渡水故山倘不厭黃冠

每逢絕地得生機背井逃身海嶠歸撫已縱縱皆過分
回頭歲歲有知非報晴選樹嬌鶯轉漱水吞花子鱗肥
且醉且歌學孟浪強于自苦泣牛衣

好我悠游物外身榮期歌樂亦天真一百五日清明節
四十三年□□人歸鶴夢中驚白髮雨鳩聲裏濕青春
惜花敢向枝頭惜也惜花飛未作茵

懷賢二首

東山絲竹自夷猶尺一呼來老不休髀肉漸消因上馬
家貲多散爲椎牛三山砥柱中流楫萬里籌邊江上樓
關外虎頭頭盡白誰知李廣不封侯
西園雅讌習家池賓客何曾冷魏其廿載牛衣翻得穩
半年穢繡亦何爲隨身但有巴僮伴玩世應輕伯道悲
還是鹿門堪並隱石橋堰水稻香時

贈維木姪

同族同年同學詩伊吾彈劍同心期于今馬齒泣車後
不似鳳山連席時導引得書洞月窟風雲有勢通天池
十千秋舫惠泉酒莫負刺桐花滿枝

前耶屋刊卷四十八
囑僕歸

近來不病復不憂汝但歸去巴僮留長安新貴學乞米
老子夏天不賣裘家書囑牽吳隱犬山莊好飯王章牛
詩句滿筒誰與簡梅黃風雨心悠悠

漫興

閉門短榻欠何事自是不能耐寂寥借馬出懷鼓吏刺
據鞍頻折陶潛腰詩書代代有秦火科目叟叟傳幾朝
真長安仁舍數武狂生壘塊時爲澆

詩稿輯成寄葉聖野社兄校序賦贈

著稿因貧不能梓亦惟觸忌每自焚長安賣文人所見
介眉諛墓徒紛紜同時司馬傳司馬異代子雲知子雲

晴窓檢校用我泐玄晏先生今是君

快閣潘鱗長所著宋史因送其下練膠

難語時人因好我如斯下酒豈徒然昌黎不敢言修史
司馬應知書必傳楓樹淺溪殊野色寒鴉向背點荒天
霜螯紫蟹肥初美何事忙呼練水船

家書去料里室淺葬投子山哀之

每于無事無人處輒爲亡妻冷淚彈月落吳江孤掉夢
霜深投子萬松寒雌烹便是卿舍飯鴻案無人我減餐
金繞天涯渾閒事龐家清福信爲難

惟木懷歸詩以留之

三食神仙已化魚廣文著作子雲居同庚獻歲憐同老

異地留君讀異書飯軟冬春生菜細土鬆春煖杏花疎
大兒更放東吳掉相聚何殊歸做廬

孟春幽居適林若撫寄移居詩步韵和贈二首

粉榆千里賦停雲澤國常懷鴻雁羣祠畔草生官似客
吳江楓落見如聞閉門春自林端集帶雨花從傍舍分
歛接大言庸鼓斲百篇斗酒信輸君

上沙移就石橋灣轉徙寒無庇萬間斗室良朋青從事
騷壇前輩白香山單衣敢後供牛飯舊壘應留待鷺還
我卽未能探蔣逕揮毫想像爲君顏

自課

語必驚人嗤杜老著書原不爲求名偶然七步初何意

亦有經句字不成今古胸中相瀾洑忙閒枰裏算輸贏
甕頭吏部花間史豈獨尊生更達生

寄和馬正誼詩訊

君詩起卧一高歌荒逕三春雨裏過壯不如人今漸老
情隨年少酒偏多上游策或咨洵美下澤車翻御伏波
每夢讀書連席處小軒敲桂鳳山阿

送塔潘伯鸞廻里

燕臺榆柳石湖蓮送爾薰風兩上船壁潤恨無亾婦見
水寒亦動館甥憐喜聞命字鴻齊軌幸亮長貧犬不牽
一倩一兒吾老矣眼中何有各踰跽

偶成效長慶體

送酒源源省杖錢若無賓至輟枯椿須知懶是長生學
豈有來多過去年瞥眼鷺花憐虎阜關心魚米說龍眠
但克衣食吾將老攜妾歸耕下溪田

病婦

孤宦納姬防老病安知若病較子多數醫未解經旬劇
十起其如夜重何蘭要翦澆難假手藥煎文武每親和
中秋庶可風前立聽我清尊白髮歌

晴窓

好事倦時翻懶癖嘯歌曾不到匡床寒花入圃如依主
冬日宜人肯到堂龍戲反從魚借服鶴歸不似鴈成行
典觀物理知吾道破硯晴窓注老莊

將夕偶成二首

蛛網經旬滿坐軒石橋細路犯芳蓀嬾爲鼓吏常懷刺
防道陶潛又叩門飽食豐衣負白日妖星兵氣足黃昏
不才自放偷閑地點檢平生未感恩
薄宦久留如作室江南風俗亦相隨封茶造醬爭三伏
種竹栽花管一時河漢影流烏鵲樹梧桐葉重鳳凰枝
不妨艇過推萍梗靜受疎星落澗池

適友人索書隨書葉聖野紅藥堂詩林若撫梅花
百詩中各數首付之因步若撫吳蜀唱和韵和
之

門限索書麻姑壇此本端謹未能寬安得方丈逞一字

令人却憶師宜官
菓子藥堂紙都馥
林翁梅詠心如檀
我所賞會勒數首
三絕付彼千秋看

月夜懷秋岳回卿

西湖此日芙蓉墜
聞道乘風獨放舟
客興自然留看寺
月明真憶共登樓
聲過梧葉高林雨
堦秃瓜藤滿地秋
物候驚心惜離別
舉頭清漢一星流

同徐定侯姚覲侯看張遠公園亭分得遊字

幽尋再過園亭路
因陋前番秉燭遊
花色盡朝曾坐處
遠峰新入最高樓
木樨香銅經時雨
橋袖青懸一院秋
仲蔚雅人開徑僻
閉門丘壑更何求

新柳與姜如須同賦

吾猶及見上林春
二月宮條御柳新
萬戶垂青招燕子
千官拖紫曳龍鱗
虛誇張緒方年少
不數王恭是美人
肯與隋堤同日語
綠陰一樣旋輕塵

新居

一枝亦俗上林叢
帝里春高燕雀風
敝篋圖書恣展
拂席門車轍感來
同微官合乏廳前
馬佻俗誰容廡寄
鴻向夕舉杯酌良
月何殊江岸草堂
中

得葉聖野書訊懷答

北平風氣一春寒
披褐行吟恥汗漫
無味莫如懷刺出
空居何處借書看
藤蘿石上夏雲擁
橘柚湖邊秋水寬
衆孳登臺當念我
乾坤萬里聚星難

七夕和潘宗海禁用典故

大火方西暑漸和雙星此夕說相過但看漢影如流水
實考天文不渡河絡緯有羣當戶織豆花無緒入秋多
佳辰孤宦幾忘却為省先生白雪歌

正月寄壽三弟方壺疆仕用二冬三十韻

春到將盈月江寒未解冬弟年疆可仕斯世學為農
性堅薑桂弘謨論鼓鏞淵泉探月窟瀟灑縱天慵白練
瞻顏子黃絲屬蔡邕王家槐尚蔭無恤簡常恭髮燥原
同學肩豪我避鋒八公聯曉轡投子幾霜鐘憶昔皆為
客諸生到處從知無所可用亦莫不能容桑梓分牛李
孫劉自虎龍但相安嘯諾曾不問君宗豈劇烟霞骨交

澗雲雪胸亮非求口食端是為尸饕燕地鴿原切津門
馬上逢心情殊草率時運太征袂豹嶺還收椽龍瞑再
撫松書隨高鳳麥案伴伯鸞春紉珮幽香習彈冠野性
恂夢熊須汲汲齒驥莫憧憧久困青氈冷新添斑鬢茸
懷珍終泣別泝緝罕酬封未得歸田賦羞稱尺布縫逕
三念松菊華九削芙蓉庚降今初度辛盤遠缺供梅花
先棣韡椒酒與愁濃海口潮千里天平石萬峰嘉辰予
悵望芳草已蒙龍元長傷衰病烽烟訊吉凶苦吟隨帛
本鴻雁語離離

雨後代書寄馬正誼用十三覃韻成三十韻

虎阜橫池石龍眠映屋嵐書應抵皖上使忽到江南無

字心相照多詞語半含鄉原方牧馬土賊勢騰魁憶昔
師門學知心同契黍秋香鼓桂宅春水古堂菴詠雪東
山盛歌風西席慙共期堅鵠志獨讓接鷄談姓字黃金
榜文章紫玉函駿圖先蹀躞鴛齒亦驂驪浪梗身傳舍
滄桑亂用餒袁閔君築室彌勒我同龕鍛翅雙鷗鶚埋
塵兩劍鐔笑都成畫虎悲竟老書蟬樂聖一無慍爲官
七不堪雲林寬種秫星里羨多男大酉藏從讀中山酒
任酣怡園毋再葺浮渡可重探世路窮多哭人情險未
諳欲充鼯鼠腹味苦蓼虫甘苜蓿盤爛足芳菲佳句耽
歲編餘覆甕月俸不盈擔隙地栽山藥靈岩徙石楠術
微羞九九禪悅叩三三所望人藏拙何妨自習愁設門

常寂歷無髮可鬢鬚身托風波世生皆雨露涵言行先
要省山水不須貪霖霖時優渥清和天蔚藍長吟寄司
馬歸夢遶江潭

快讀葉聖野紅藥堂詩刻贈之十八韵

黃絹齊裁白雪霏一槭遺我盡珠璣具瞻鳳輦雲中駐
忽縱鯨魚碧海飛風作笙竿鳴地籟雲迴綺繡譜天機
嬾從香逕拈花草獨向寒山採蕨薇隨俗安貧如北阮
招魂有美自西歸泣聲直接王丞相嗚咽何來丁令威
貌鶴吟猿憐苦瘦綠蛇紫燕陋癡肥大娘劍器瀏灘甚
幼婦碑陰絢練稀讀史儘多下酒物娛親絕勝綵萊衣
不因促迫圖佳畫豈愛芬華聲正希九席至今留鼎實

三哀共得闡幽輝
篋篋嫠婦公無渡
弓劍龍髯露易晞
堂上采蘭同臭味
堦前紅藥報芳菲
信夫必以君爲準
不爾方疑吾道非
枕底論衡韜寶氣
裛中松雪聽音徽
郵筒驛路投明月
雅道坑灰屬少微
惆悵古人輟耕錄
相期還共絕編韋

還里口號

鴻雁無家春也歸
升堂燕子傍人飛
頭顱帶得江湖雪
認是桐山老布衣

題畫

浮渡竹深四時雨
昔年得句曾題該
年過竹長鑄書濶
絕似古碑封碧苔

吳王宮與越王臺
思沛遊魂來不來
試將妙湛泉中水
澆冷英雄未死灰

題畫

萬樹千峰黯黯間
平橋野水撼柴關
何人木末樓頭坐
風雨來時響衆山

齊

岳

字方壺弱冠遊鄉校與兄弟各聲相埒家貧力學削荆握槩矻矻弗休嘗囊書走舒蓼間士大夫掃室布席爭延致之贅于舒之郭氏甫以舌耕博數畝爲兄台州失守牽連繫獄徙尚陽堡寓鐵嶺作秋懷詩十首尚陽捕鹿賦一首聞者哀之

浮山

我愛浮山諸衲子
半生活在烟雲裏
曬笋石蓮最高峰
濯足張公井底水
曾向巖邊理亂髮
山風颯颯巖邊發

斷雲如帶宿山腰翠微一半空中揭我本塵人厭風塵
終歲勞勞徒荷薪夜半偶聞鐘磬響悠然如悟前生人

金蟬行

金蟬墩桐水口也

臘月至四月賊兵據桐野殺人如山丘盡堆孤城下日
暮天風吹血腥撐者白骨燐者螢相逢但云渡江太盼
斷天邊南斗星四月賊解圍沙頭急擣衣病妻及子女
相率出閨闈深閨之人恫無力乍使據鞍據不得負子
且復扶病妻奔馳又報前村賊

白門行

江北生無計因思渡江東烏衣燕子繁華地病卧秦淮
簫管中入門妻子面如鐵旋復身病聲嗚咽身病猶教

命未終病妻穉子氣齊絕一時巢破雙卵傾至今話及
心妻切

桂子歌二首

有桂有桂羣檜中皮皴榦老枝葉叢凡卉歇後始一發
上映月殿生香風望之甚偉比四皓峩峩又復如三公
烽火廿年猶對此應有神物護其躬

塵烟滿天密如布老夫寸步失歸路前村蘭若古道場
積水成川飛白鷺眼見鐵佛銷爲兵又見英雄成古墓
如何灰燼塵霧中猶剩東隣五桂樹

中秋後三日同孔文亭陳省人胡偉人諸子賞桂
杜陵移居芳樹中麗眉皓首感秋風鳴絃對月調絲桐

音賦卷四十一
有客載酒桂樹叢因之曳履趨墻東顛倒醉舞如兒童
笑問花神可解事何爲顛倒苦予志我有富貴汝制之
年年花開伴汝醉夜夢黃衣三五至腰跨明珠拖火燧
黃金爲甲碧玉冠苻絲爲帶牽荷芰奈何爾等不富貴
爾等富貴爾自棄甄益莫辨作大官爾等奈何都識字
千錢一醉易告身爾等強項不言利門竇儘堪謁貴人
爾等不欲見有位卽爲籬邊犬亦得爾等動口吃狐媚
夔一足矣可天飛奈何大鵬張兩翅驢鳴犬吠皆文章
吐詞奈何成珮璫初識之無且犯俗奈何矜文等最屬
招搖過市稱女貞紀德奈何動日四蹇驢眇馬馳大宛
逐日奈何選騏驎鴟鴞毛羽飾后宮妍粧奈何仍翡翠

鮑魚逐臭皆馨香奈何焚香對茉莉試看古來忠孝節
義之傳克棟梁孰是多才作官吏爾之捉衿露肘饑欲
死非關我之善鬼魅從此我贈爾富貴我但白晝作爾
祟使爾眼目忽不明使爾心志忽不智使爾膏火夜不
然使爾鷄窻等遊戲以暴易暴不知非殺人媚人恬不
媿封疆之帥不勝衣燮理之功等睡寐富貴貧賤豈異
人真僞兩立視乎地

早秋示稷下姪

秋色到墻中梧桐一葉風樹喧蟬始至梁靜燕初空曳
杖青門客長吟白髮翁村醪須早蓄計日看丹楓

寄郭翁玉岑

音書雖濶絕夢卽到君家潮太魚牀見溪橫草閣斜敗
荷藏宿鷺高柳帶寒鴉五桂當窻暗先凝玉露花

重九前二日寄桃溪黃氏二門人

雪霽衝風發機雲情倍殷渡橋隨太馬藉草望歸雲難
後荒籬廢貧來荆樹分窺園三徑裏寂寂暮鐘聞

九日潘克兆邀同王絲如陳公遠朱伯友家園觀

菊

小溪船渡處數武卽君家古樹當門立閒蘿繞徑斜邀
人成快集選石刻名花揖坐隨窮勝芒鞋踏淺沙

送文亭雲子移居山中兼懷公瑜

不堪搖落後次第故人稀白社知何日清尊願共違八

公秋色迥九井暮烟微目送驅車去含愁掩夕扉

方霽

簷邊七日雨草樹盡沉浮送客經行路皆爲古渡頭村
烟炊復斷好日出還收遙訂清明穩同登一葉舟

赴東甌舟中偶拈

侵曉欲成夢揚帆天已明路雖指故國人却又長征一
葉太何疾衆花空有情晚依鷗鷺侶處處是秋聲

懷兒子當如

四歲雛兒慧頭顱與案平喜陪佳客坐兼識古人名幾
載依鄉國今年別帝城寄書何日到乾鵲定先鳴

漁

音耶 雁 牙 卷 四 十一
浮家憑一葉慣寄水邊雲蘆葦朝堪傍鷓鴣夜共聞往
來沽酒岸雜錯采蓮羣鼓棹長歌太烟嵐闌不分

樵

長年樵是業來往此山中伐木猿驚伴呼羣虎避鋒梅
簪雙鬢雪楓捆一肩紅莫漫行歌太防人棄老翁

耕

南陽南畝地黃犢夜耕烟犬出隨桑徑兒眠就麥田杏
花三月雨布穀五更天勞勩都教慣歌風紀歲年

牧

飯牛兼牧殺日夕下山阿叩角時吹篴提鞭且荷蓑問
因知酒處夢便識年和次第升牢畢何知寧戚歌

鷗

不作排雲陣閒情亦自嘉輕堪同燕子色欲混蘆花冰
上噉魚靜湖邊掠水斜牙檣驚即起漠漠太天涯

鷺

彌望如難濟寒裳澗水濱乍臨青草畔勝對白衣人翻
舉疑非力潭窺靜有神皂雕徒猛鷺誰似羽毛新

夜夢婦翁蝶公先生

郊公荒塚石離離衰草寒鴉暮木垂何事一羶來晤語
不教千載會無期子生平未面公攀龍終負馮唐志埋玉應深

伯道悲掩涕幾回中夜起標心直欲溯當時

贈孔文亭

屈曲崎嶇路不同欲依蓮社託春風問來今事虛齊澣
話入通家足孔融曾道鹽車收病馬可能烈火拾焦桐
鄙人新識龍門處一徑蒼蒼宛在中

北行道中

暫挂陶潛舊葛巾荷衣棕笠走逡巡條條漲水疑無路
疊疊青山欲送人瘠馬倦嘶愁日晚村鷄競唱恹天晨
晨興便欲馳驅去不夢滄江舊釣綸

中秋旅懷

一輪長夜揭秋空故國今宵想亦同閨夢應馳燕市上
扁舟已繫水聲中荻蘆欲老溪仍碧楓相初寒葉未紅
把酒直呼南去雁數行先付大江東

晚泊

院落村籬處處同家家門溯小溪東聽來市語音如昨
便問前途路可通荒寺每依高樹下疎鐘不間亂流中
蘆花白露江南似但少丹楓映日紅

九日舟泊檀莊

來日已苦黃梅雨舟行又泊重陽風塵沙滿地逼牛馬
虛空吼勢驚魚龍蔽眼每厭塞北路有夢即對江南楓
安得長風破萬里赤脚直上天台峰

鐵嶺秋懷十首

衰草柴門一徑斜此中羈我坐年華魂歸故國車千里
月上茅檐雪萬家未有尺書來鳳闕漫淹高士卧龍沙

白頭貧困兼消渴但剩空囊貯紫霞

大東本是興王地零雨西征王氣鍾牧馬舊營羅武衛
從龍高第列堯封水週魏闕層層障山拱諸陵處處峰
每對夕陽觀大陸祥雲鬣鬣擁蒼松

山河百戰嫖姚績風雨聲中帶血腥物馬萬羣嘶夜月
雲旗千片捲寒星名鐫漢代當年竹勳載燕然此地銘
時過東園歌舞地欲披荒草弔英靈

小城城北荆榛處故老傳言五國城衰草晝陰聽鬼哭
長河月照吼龍精百年幾見山川異千載虛聞漢水清
幸有廢興遺迹在不然空老舊劉生

我來此地但行吟鷄骨支離遂至今竟可鳩人誅叔子

急須投杼避曾參風吹細雨晚逾疾山不厭雲常作陰
買醉百壺衣不憚病榆衰柳對蕭森

七上天人一布袍放歸便著廣離騷于今身是橘爲枳
人道予兮李代桃蕊榜又懸新姓字龐眉遠繫古蓬蒿
未標赤幟心難死夢繞樓船八月濤

兵疫荒來備此生或云薑桂老逾榮如何高卧蘆中士
竟作纍囚塞上行無物可將憑五鬼有身何計絕三彭
枉勞咄咄虛空問天問從來問不明

兵謂遭流賊疫謂遭瘟疫荒謂遭旱

勞喪謂壬午喪前妻阿許並子

幾載家園破敗餘隻身膠目遠驅車夜從隣寺分蘆火
饑向荒原摘野蔬憔悴自憐同病鶴羈孤人但泣枯魚

無情白雁頻來往，懶繫江南一紙書。

數畝之中一草堂，山妻稚子總淒涼。孤吟恰到故鄉月，兩鬢全沾絕塞霜。結伴有誰來北海，荷鋤只當墾南陽。關河有路數千里，涕淚郊原空斷腸。極目蒼涼倍黯然，瘴雲疎雨送秋天。草生岐路思千里，花落寒岩記一年。誓死有心投白水，耐愁長夜補青氊。夢回綿薄知霜重，怕聽隣鷄到枕邊。

巳丑初度伯兄以三十韵見投依韵奉酬

初度經三月，書傳自季冬。鴛鴦安病廢，魚雁到桑農。盡室嗟懸磬，開函覩大鏞。微官淹海嶠，寄迹縱天慵。與自高王粲，名還贈顧邕。雲霞囊已貯，筆札衆尤恭。綺句紗

籠壁，雄談舌避鋒。詩喧楊柳曲，聲徹景陽鐘。錦字三緜易，瑤琴一鶴從。畫眉憐曉鏡，繡閣倚春容。共許潛文豹，何須警路龍。朝雲諳內則，靈照啓吾宗。況是流離客，皆誇雲雪胸。衣單猶解珮，坐列盡尸囊。至性隨人釋，才名到處逢。江鄉非寂寞，歲月易征徂。憶昔吳門權，偕攀石上松。霜砧依大被，冰署亦同春。自是河橋別，歸來意趣松。鴻文終落落，驥齒已憧憧。強仕龐眉秃，春溪碧草茸。蠹魚書八謝，蛛網戶全封。豈望岑樓嘯，兼辭尺布縫。手還持琰琰，劍不淬芙蓉。飲啄誰充給，糟糠鮮自供。敝廬風雪滿，短布露華濃。欲采當年蕨，難尋若個峰。半生棲草莽，終日坐樊籠。折臂寧云吉，焚龜但有凶。鷓鴣聊自

咏非敢和讎讎

題懶殘道人蒲扇二首

折將青青草，辯作團團月。午餘炎氣蒸，賴爾清風發。
記得池草生，殷勤別君面。今日憶君歸，蒲草堪爲扇。

夜閱高季迪先生集有杏園瓜圃菊蹊梅塢四題

與伯兄共拈四絕

種杏已成村，花紅照羅綺。爲囑沽酒人，莫向此中指。
種豆不如瓜，瓜垂常五色。郎行瓜始生，郎歸瓜堪食。
喜插傲霜枝，花與霜爭發。願對白衣人，長吟搔短髮。
雪飛花已芬，雪消花未落。瘦影照冰輪，皎皎雙白鶴。

理